



Ársskýrsla
lögreglustjórans á
höfuðborgarsvæðinu

2016

Ársskýrsla

2016



LÖGREGLUSTJÓRINN Á
HÖFUÐBORGARSVÆÐINU

Útgefandi: Lögreglustjórinn á höfuðborgarsvæðinu
www.lrh.is
www.facebook.com/logreglan
Umsjón og ábyrgð: Upplýsinga- og áætlanaeild
Gunnar Rúnar Sveinbjörnsson

Myndir: Júlíus Sigurjónsson
Myndir á bls. 18 og 62: Guðmundur Fylkisson
Mynd á bls. 41: Freyja Gyfa

Prentun: Litlaprent
Umbrot: Litlaprent
Útgefið í ágúst 2017

Efnisyfirlit

FJÖLBREYTILEIKI ER NAUÐSYNLEGUR	4
SKIPURIT	7
HELSTU MARKMIÐ LRH	8
EMBÆTTIÐ Í HNOTSKURN	10
HELSTU VERKEFNI LÖGREGLUNNAR Á HÖFUÐBORGARSVÆÐINU	12
Innbrot og þjófnaðir	15
Rán og fjársvik	19
Líkamsárásir	22
Fíkniefnamál	25
Skaðsemi fíkniefna	28
Kynferðisbrot og heimilisofbeldi	30
Umferðarefirlit	33
Banaslys og hraðakstursbrot	35
Brunar og íkveikjur.....	37
Skotárás í Breiðholti	40
Móabarásmálið	42
Menningarnótt.....	44
Óvenjuleg verkefni	46
Lögreglan og samfélagsmiðlar	48
Viðhorfskönnun	50
Eitt og annað.....	52
Hatursglæpir	55
REKSTUR.....	56
Rekstrarreikningur	58
VIÐAUKAR	60



Fjölbreytileiki er nauðsynlegur

Í árslok 2016 var áratugur liðinn frá því að Lögreglan á höfuðborgarsvæðinu tók til starfa. Á þessum tíma áttu sögulegir atburðir sér stað í þjóðfélaginu þar sem mikið mæddi á lögreglunni. Á síðustu árum hafa jafnframt átt sér stað talsverðar breytingar innan embættisins þar sem skipaðir hafa verið nýir stjórnendur, ábyrgðarsviðum annarra breytt og stjórnunarstöðum í heildina hefur verið fækkað. Markmið þessara breytinga var skýrt; að bæta þjónustu okkar við borgarana, auka málsmeðferðarhraða og stuðla að öryggi í samfélaginu. Það er óhætt að segja að markmiðinu hafi verið náð því traust til lögreglunnar hefur aukist að undanfögnu og af því getum við öll verið stolt.

Lögreglumenn hafa sjaldan verið jafnöflugir og búið yfir jafnmikilli þekkingu og nú en þrátt fyrir það hefur aldrei verið eins erfitt að spá fyrir um ókomna tíma. Slíkar eru breytingarnar sem við horfum upp á í samfélagi, tækni og hugmyndum. Við verðum að fylgjast náið með og gera breytingar á skipulagi löggæslunnar í takt við breytingarnar í umhverfinu. Það er því fyrirséð að það verða miklar breytingar í okkar stétt á næstunni, hvort sem okkur líkar betur eða verr.



Þetta kennir okkur þá dýrmætu lexíu að einn meginþáttur í stefnumótun hlýtur alltaf að felast í því að undirbúa fólk svo það geti sem best tekist á við hið ófyrirséða og óvænta. Í þeim efnum skiptir sköpum að hafa góðan mannafla, auð fólks sem býr yfir mikilli og ólíkri þekkingu en er jafnframt reiðubúið að afla sér frekari menntunar, hvort sem það er á vettvangi menntastofnana eða innan vébanda embættisins. Það kann ekki góðri lukku að stýra að hafa alla, sem stýra starfi lögreglunnar, með sama bakgrunn og sömu menntun.

Árið 2016 var sú tímabæra breyting gerð að færa lögreglunám á háskólastig og síðasta haust hófu fyrstu nemendurnir nám í lögreglufræðum við Háskólann á Akureyri. Meirihluti þeirra sem skráðu sig í námið voru konur sem okkur þykir afar ánægjuleg þróun þar sem aðeins 15% lögreglumanna hjá Lögreglunni á höfuðborgarsvæðinu eru konur. Við erum að þjóna samfélaginu öllu og því er fjölbreytileiki innan mannaflans nauðsynlegur - við erum ekki bara að fjölga konum til að fjölga konum, heldur viljum við endurspeglja samsetninguna í samfélaginu.

Þegar horft er yfir síðasta ár er ljóst að lögreglan hefur vaxið mikið og þroskast. Starfsmenn embættisins hafa þjónað almenningi með mikilli þrýði og vil ég þakka þeim kærlega fyrir kraftinn, eljuna og ástríðuna sem einkennir starf þeirra.

Sigríður Björk Guðjónsdóttir, lögreglustjóri.








Lögreglustjórnin á höfuðborgarsvæðinu

Skipurit

Ársskýrsla 2016



Í áratug hefur Lögreglan á höfuðborgarsvæðinu haft það að leiðarljósi að auka öryggi og öryggistilfinningu þeirra sem búa, starfa og dvelja í umdæmi hennar. Þetta krefst mikillar og stöðugar vinnu allra starfsmanna embættisins og árið 2016 var haldið áfram á þeirri braut. Það er kannski annarra að segja hvernig tekst til hverju sinni, en samkvæmt viðhorfskönnunum, sem Lögreglan á höfuðborgarsvæðinu lætur framkvæma árlega, hefur það gengið vel að mati íbúa svæðisins. Mikill meirihluti íbúa í umdæminu telur sig örugga í eigin hverfi þegar myrkur er skolið á (91%) og langflestir (87%) telja lögreglu jafnframt skila mjög eða frekar góðu starfi við að stemma stigu við afbrotum á höfuðborgarsvæðinu. Mikill meirihluti íbúa ber sömuleiðis traust til lögreglu samkvæmt viðhorfskönnuninni 2016, en fjallað er ítarlega um hana í skýrslunni *Viðhorf til lögreglu, ótti við afbrot og reynsla af þeim*, en hana má nálgast á lögregluvefnum (www.logreglan.is).

Þótt grundvallarmarkmiðið sé að auka öryggi og öryggistilfinningu allra á höfuðborgarsvæðinu hefur embættið enn fremur horft til fækkunar brota á afmörkuðum sviðum (eignaspjöll, innbrot, þjófnaðir og líkamsárásir) og orðið nokkuð ágengt í þeim efnum. Þetta árið fækkaði innbrotum í umdæminu í samanburði við árið 2015 og sama gildir um þjófnaði. Fjöldi eignaspjalla á áðurnefndu tímabili stendur hins vegar nánast í stað og tilkynningar um

Ofbeldisbrot 2016 og 2015 eru enn fremur álíka margar bæði árin. Ofbeldisbrot voru raunar mun færri árið 2014, en fjölgaði verulega við breytt verklag og áherslur lögreglu í heimilisofbeldismálum frá árinu 2015. Þau voru tekin mjög föstum tókum og í kjölfarið bárust mun fleiri tilkynningar í málaflokknum.

Markmið Lögreglunnar á höfuðborgarsvæðinu eru skýr, en geta tekið nauðsynlegum breytingum í tímans rás. Þannig breytti embættið áherslum sínum þegar heimilisofbeldi er annars vegar og sendi afdráttarlaus skilaboð um að það er ekki liðið. Viðbúið er að aukin alþjóðavæðing og tækniþróun kalli á ný markmið, en undir það verður lögreglan að vera búin. Hafi fyrsti áratugurinn í starfsemi Lögreglunnar á höfuðborgarsvæðinu verið krefjandi er ljóst að sá næsti verður það líka. Þá er nauðsynlegt að vel sé búin að lögreglunni svo hún sé tilbúin að takast á við verkefni framtíðarinnar, bæði hvað varðar mannafla og fjármuni og þannig tryggja að mikilvægum markmiðum verði náð.



Embættið í hnotskurn



Mannfjöldi



Hlutfall af
höfuðb.sv.



Hlutfall af
Íslandi



Fjöldi
erlendra










Hlutfall
erlendra



Fjöldi
ríkisfanga



Stærð
í km²



Heimildir:
Fólksfjöldi: Hagstofa Íslands
Flatarmál sveitarfélaga: Landmælingar Íslands, upplýsingaveita sveitarfélaga

Höfuðb. sv.

Ísland

 Mannfjöldi	 Hlutfall af Íslandi	 Fjöldi erlendra	 Hlutfall erlendra	 Fjöldi ríkisfanga	 Stærð í km²
--	---	---	---	--	---

213.619 64,2% 16.851 7,0% 136 1.043

332.529 100% 26.485 6,9% 141 102.698



234
karlar



56
konur

Lögglumenn **290**



29
karlar



53
konur

Borgaralegir starfsmenn **82**

Fjöldi ökutækja í lok árs 2016



5

Merktar
stórar bifreiðar



30

Merktar
fólksbifreiðar



12

Ómerktar
fólksbifreiðar



12

Bifhjól

Samtals **59**

Akstur ökutækja í kílómetrum árið 2016



846.357

Akstur merktra
ökutækja



154.961

Akstur ómerktra
ökutækja



87.884

Akstur bifhjóla

Samtals **1.089.202**

HELSTU VERKEFNI LÖGREGLUNNAR Á HÖFUÐBORGARSVÆÐINU

8. október

GIFTUSAMLEG BJÖRGUN

Verkefni lögreglumanna eru af ýmsum toga og sum klárlega hættulegri en önnur. Björgun gæludýra getur fallið undir það, ótrúlegt en satt, en að klifra upp í tré til að bjarga ketti er ekki fyrir hvern sem er og er allt annað en hættulaust eins og dæmin sanna. Björgun gæludýra var reyndar ekki kennd sérstaklega í Lögregluskólanum, en þá kemur hyggjuvitið til skjalanna þegar út í alvöruna er komið. Sjálfsagt má skamma lögreglumenn fyrir að hafa á stundum ekki beitt meiri skynsemi í slíkum aðstæðum, en lögreglumenn eru bara þannig gerðir að þeir vilja bjarga bæði mönnum og dýrum. Fyrir allnokkru slasaðist lögreglumaður þegar hann einmitt reyndi að bjarga ketti niður úr háu tré, en hjálparbeiðnir af því taginu berast okkur annað slagið og ein slík kom á borð lögreglu í sumar. Lögreglumenn voru fljótir á staðinn, í ónefndum garði á höfuðborgarsvæðinu, og hugðust bjarga þar ketti niður úr tré. Á vettvangi blasti hins vegar við afar óvenjuleg sjón, því ekki

Verkefni Lögreglunnar á höfuðborgarsvæðinu voru með hefðbundnu sniði árið 2016. Þau voru vitaskuld fjölbreytt og krefjandi, enda er lögreglan ávallt á vaktinni. Árið var annars gott að mörgu leyti, en brotum fækkaði í umdæminu. Gildir það bæði um hegningarlagabrot og sérrefsilagabrot, en hér er árið á undan til samanburðar. Þrátt fyrir jákvæðar fréttir voru samt mörg alvarleg mál til rannsóknar hjá Lögreglunni á höfuðborgarsvæðinu árið 2016. Fjöldi líkamsárásarmála var svipaður, en í grófustu ofbeldisbrotunum var ýmsum óþverrabrögðum beitt. Oftsinnis fóru hnifar á loft, en í mars var karl á þrítugsaldri í lífshættu þegar hann var stunginn í vesturbæ Reykjavíkur. Árásarmaðurinn var handtekinn, en mennirnir höfðu deilt eftir að myndataka í heimahúsi féll í grýttan jarðveg.

Fáar fréttatilkynningar Lögreglunnar á höfuðborgarsvæðinu vöktu jafn mikla athygli á árinu og sú sem embættið sendi frá sér seint í febrúar. Í henni var lýst eftir fölleitum manni um 180 sm á hæð, dökkklæddum með svarta húfu og svarta hanska. Leitað var að honum í tengslum við rannsókn lögreglunnar á tveimur alvarlegum atvikum, sem beindust gegn konu í húsi í Móabarði í Hafnarfirði. Málið var í algjörum forgangi hjá embættinu, en á litlu var að byggja og vísbendingar voru fáar. Konunni, sem fyrir þessu varð, og fjölskyldu hennar var komið fyrir á öruggum stað, en nokkur ótti greip um sig í hverfinu vegna málsins.

einasta var kötturinn í sjálfheldu uppi í trénu, heldur var eigandi hans þar líka. Um var að ræða unga konu sem hugðist bjarga kettinum sínum með öllum tiltækum ráðum, en ekki fór betur en svo að hún sat þar jafnföst og blessaður kötturinn og gat sig hvergi hreyft. Nú voru góð ráð dýr, en eftir að hafa skoðað málið af mikilli yfirvegun afréðu lögreglumennirnir að gera það skynsamlega í stöðunni og kalla til slökkvilið og kom það á staðinn með stiga undir höndum. Skemmt er frá því að segja að í framhaldinu tókst björgun bæði konunnar og kattarins giftusamlega, en þessum degi gleymir konan vafalaust seint. Hún hefur þó örugglega lært sína lexíu, en kötturinn líklega ekki.

lrh.is

Íbúum í Breiðholti var sömuleiðis illilega brugðið þegar lögreglumenn flyktust í Fellahverfið á föstudagskvöldi í byrjun ágúst. Borist hafði tilkynning um tvo skothvelli og var viðbúnaður lögreglu í samræmi við það, en m.a. var lokað fyrir umferð um svæðið. Fólk var jafnframt beðið um að vera ekki á ferli í hverfinu á meðan aðgerðir stóðu yfir á vettvangi og í nágrenni hans. Lögreglumenn vopnuðust, auk þess sem sérsveitin var strax kölluð til eins og alltaf við aðstæður sem þessar. Fregnin um skothvella reyndist á rökum reist, en hleypt var af úr byssu á bifreiðastæði við söluturn og hæfðu skotin fólksbíl sem þar var. Bílnum var ekið á brott og var hann því á bak og burt þegar lögreglan kom á vettvang. Sama átti við um árásar-mennina, en þeir reyndust vera tveir og var gerð mikil leit að þeim. Annar var handtekinn í kjölfarið, en hinn nokkru síðar. Rannsókn málsins leiddi fljótt í ljós að skotárásin í Fellahverfi tengdist deilum innan þróngs hóps og beindist ekki að almenningi. Skotárásin vakti eðlilega óhug margra, en slík mál eru sem betur fer mjög fátíð.

Lögreglan á höfuðborgarsvæðinu hélt úti öflugum umferðareftirliti árið 2016, en mikil umferð var í umdæminu og álagið á helstu stofnbrautum eftir því. Viða gekk umferðin hægt á þeim tímum þegar fólk var að fara til og frá vinnu og skóla, en við slíkar aðstæður er nauðsynlegt að sýna tillitssemi og búa yfir þolinmæði. Lítt hefur gengið að fækka umferðarslysum á höfuðborgarsvæðinu og



14. mars

HVATNINGARVIÐUR- KENNING TIL LRH

Lögreglan á höfuðborgarsvæðinu og Reykjavíkurborg fengu um helgina hvatningarviðurkenningu Bandalags kvenna í Reykjavík fyrir verkefnið SAMAN GEGN OFBELDI. Í umsögn BKR um verkefnið segir eftirfarandi: Við teljum mikilvægt að vekja athygli á því góða starfi sem þið hafið verið að sinna í aukinni þekkingarmiðlun og bættu verklagi til að taka á þeim heimilisofbeldismálum sem upp koma í því skyni að tryggja öryggi borgarbúa á heimilum sínum, veita þolendum og gerendum betri þjónustu og bæta stöðu barna sem búa við heimilisofbeldi.

Sigríður Björk Guðjónsdóttir lögreglustjóri og Dagur B. Eggertsson borgarstjóri tóku við viðurkenningunni frá Ingibjörgu Rafnar, fráfaramandi formanni BKR, við hátíðlega athöfn á 100. ársþingi Bandalags kvenna í Reykjavík sem haldið var á Grand hóteli, en við sama tækifæri var Ingu Dóru Sigfúsdóttur veittur titillinn Kona ársins fyrir brautryðjandi starf á sviði rannsókna á liðan barna og unglinga í nútímasamfélagi.

lrh.is

sömuleiðis er áhyggjuefni hversu margir ökumenn aka undir áhrifum áfengis og fíkniefna. Lögreglan stöðvaði för fjölmargra ökumanna af þeim ástæðum, og afstýrði þannig örugglega frekara líkamstjóni. Sárustu tíðindi ársins úr umferðinni voru hins vegar þrjú, hörmuleg umferðarslys í umdæminu, sem öll kostuðu mannlíf.

Sveiflur í haldlagningu fíkniefna eru jafnan nokkrar og svo var einnig þetta árið. Fíkniefnamál til rannsóknar hjá Lögreglunni á höfuðborgarsvæðinu eru þó ávallt fjölmörg og árið 2016 var engin undantekning í þeim efnum. Kannabísræktanir var áfram að finna á mörgum stöðum í umdæminu, en lögreglan hefur verið óþreytandi við að stöðva þær á undanförunum árum. Þeir sem að þeim standa eru sífellt að leita nýrra leiða fyrir starfseminna og oft leggja menn mikið á sig til að fela hana. Óprúttir aðilar sem flytja inn fíkniefni gera slíkt hið sama, en á árinu var lagt hald á metamfetamín, sem var falið í handsápum. Metamfetamín hefur annars lítið komið við sögu hjá lögreglu, en málið sýnir að hún þarf stöðugt að halda vöku sinni. Lagt var hald á nokkra tugi kílóa af marjúana árið 2016 og þótti varla frétt næmt, slík er þróunin.

Þótt verkefnin hafi að mestu leyti verið hefðbundin, eins og áður er rakið, skjóta líka alltaf ný viðfangsefni upp kollinum. Þjóðfélagið breytist og til marks um það er þróunarverkefni Lögreglunnar á höfuðborgarsvæðinu, sem sett var á fót í ársbyrjun. Það snýr að málum er varða hatursglæpi, en embættið taldi mikilvægt að leggja sérstaka áherslu á þennan málaflokk. Hælisleitendur koma líka í auknum mæli við sögu hjá lögreglu, en mál þeirra geta oft verið mjög erfið viðureignar. Þar er hópur fólks sem stendur höllum fæti og er örvæntingarfullt eins og dæmin sanna, því miður. Hér á eftir er farið frekar yfir helstu verkefni Lögreglunnar á höfuðborgarsvæðinu árið 2016. Tekið skal fram að tölfræði embættisins fyrir sama tímabil er að finna í skýrslunni *Afbrot á höfuðborgarsvæðinu* (útgef. 2017).



4. júní

NAUÐLENDING VIÐ ÚLFARSEFELL

Í morgun varð físvél vélarvana og þurfti að nauðlenda við bæinn Úlfarsfell. Við nauðlendinguna flæktist annað hjól vélarinnar í vir rafmagnsgirðingar með þeim afleiðingum að nef vélarinnar stakst í jörðina og hún hafnaði á hvolví. Tveir menn voru um borð í vélinni. Annar kenndi sér ekki meins en hinn fékk skurð á höfuðið og var fluttur á slyshadeild til nánari skoðunar. Lögreglan á höfuðborgarsvæðinu og Rannsóknarnefnd samgönguslysa rannsaka málið.

lrh.is

INNBRÖT OG ÞJÓFNAÐIR

Innbrotum fækkaði allnokkuð á höfuðborgarsvæðinu árið 2016 og voru í kringum 850 í samanburði við um 1.000 árið á undan. Tölur um fjölda brota hafa gjarnan sveiflast í gegnum árin og sama á við um innbrot í umdæminu. Þó má halda fram að um jákvæða þróun sé að ræða, en þess er skemmst að minnast að hátt í 3.000 innbrot voru tilkynnt til Lögreglunnar á höfuðborgarsvæðinu árið 2009. Um 100 innbrot voru tilkynnt bæði í apríl og nóvember, en færri hina mánuði ársins 2016. Júní og ágúst skáru sig nokkuð úr hvað það varðar, en um 50 innbrot voru tilkynnt til lögreglunnar í þessum mánuðum. Hér er átt við innbrot á heimili, í fyrirtæki og ökutæki. Þjófnaðarbrot voru annars nálægt 3.800 árið 2016 og fækkaði frá árinu á undan. Sveiflur mátti sjá í fleiri þjófnaðarbrotum, ekki síst reiðhjólþjófnum, en þeim fjölga iðulega mikið á vorin og var tilkynnt um 55-65 slík mál að jafnaði í hverjum mánuði fram á haustið. Mikið var sömuleiðis um þjófnaði á farsímum, en málín dreifðust nokkuð jafnt yfir árið. Lætur nærri að Lögreglan á höfuðborgarsvæðinu hafi fengið hátt í 500 tilkynningar um slíkt, en farsímþjófnum fækkaði þó frá árinu á undan.



29. janúar

ÍKVEIKJA – LÖGREGLAN LEITAR VITNA

Lögreglan á höfuðborgarsvæðinu rannsakar eldsvoða á geymslusvæði Strætó á Hesthálsi í Reykjavík í fyrrinótt, en þar brunnu tveir strætisvagnar. Tilkynning um málið barst lögreglu klukkan 2.20, en grunur leikur á að eldurinn hafi kviknað af mannavöldum. Lögreglan biður alla þá sem geta veitt upplýsingar um málið, um hugsanlegar mannaferðir eða ökutæki á ferð nálægt vettvangi o.s.frv., að hafa samband í síma 444 1000, en upplýsingum má einnig koma á framfæri í einkaskilaboðum á fésbókarsíðu Lögreglunnar á höfuðborgarsvæðinu eða í tölvupósti á netfangið einar. asbjornsson@lrh.is

lrh.is

Þegar innbrot á heimili eru annars vegar leggur lögreglan allt kapp á að upplýsa þau. Það gengur auðvitað misvel og stundum getur það tekið drjúgan tíma. Að komast á sporið í einu máli getur líka orðið til þess að upplýsa fleiri innbrot eins og ótal dæmi er um. Óupplýst innbrot árið 2016 kunna því að verða leyst síðar. Í þeim hópi voru innbrot í nokkur heimahús á höfuðborgarsvæðinu í nóvember, en þar spenntu þjófarnir upp glugga til að komast inn. Í tveimur tilvikum lögðu þjófarnir á flóttu eftir að húsráðendur höfðu orðið þeirra varir og höfðu því ekkert upp úr krafsinu. Lögreglan sendi frá sér tilkynningar vegna innbrotanna og bað fólk að vera á varðbergi og kann það að hafa fælt þjófana frá, en svo virtist sem þeir létu af iðju sinni. Þjófur beindu líka sjónum sínum að fyrirtækjum og þar eru innbrot í apótek ekki ný af nálinni. Apótek í Kópavogi varð einmitt fyrir barðinu á innbrotspjófum um miðjan október, en þeir stálu bæði lyfjum og reiðufé. Þjófarnir óku á brott á stolnum bíl, en komust ekki langt því bíllinn hafnaði á grjóthnullungi og varð við það óökufær. Brotamennirnir hlupu þá út í móa, en voru handteknir þar í náttmyrkrinu.

Búðapjófur komu líka mikið við sögu hjá Lögreglunni á höfuðborgarsvæðinu árið 2016, en hnúpl var því miður daglegt brauð. Sumir búðapjófanna voru stórtækir, en snemma sumars handtóku glöggir lögreglumenn karl um fertugt í miðborginni. Sá hafði margt á samviskunni, en maðurinn hafði farið um ránshendi í umdæminu

5. ágúst

KYNFERÐISBROT – ÁFRAMHALDANDI GÆSLUVARÐHALD

Nítján ára piltur var í dag í Héraðsdómi Reykjavíkur úrskurðaður í áframhaldandi gæsluvarðhald til 19. ágúst að kröfu Lögreglunnar á höfuðborgarsvæðinu, en það var gert á grundvelli almannahagsmuna.

Pilturinn er grunaður um tvö kynferðisbrot, annað á höfuðborgarsvæðinu en hitt á Suðurnesjum. Hann hefur kært úrskurðinn til Hæstaréttar.

Rannsókn málsins miðar vel.

lrh.is

og utan þess. Hans hafði verið leitað í einhverja daga áður en til handtökunnar kom. Þjófurinn stal m.a. skartgripum í nokkrum verslunum í borginni, en við leit á dvalarstað hans fannst enn fremur ógrynni af illa fengnum vörum. Þetta voru einkum rakvélablöð, snyrtivörur, fatnaður og raftæki, en stolnum hlutum pakkaði þjófurinn saman og sendi úr landi. Með mikilli vinnu lögreglu og tolyfirvalda tókst að endurheimta nokkrar sendingar, sem innihéldu tugi kílóa af alls konar vörum. Þjófurinn, sem kom til Íslands undir því yfirskini að ferðast um landið, átti sér vitorðsmann, en sá var einnig erlendur ríkisborgari.

Premmeningarnir, sem lögreglan handtók í verslunarmiðstöð á höfuðborgarsvæðinu á haustmánuðum, voru ekki síður stórtækir í búðapjófnum. Um var að ræða tvo karla og eina konu á þrítugsaldri, en þau virtust hafa stundað þetta með skipulögðum hætti um nokkurt skeið. Fólkið fór m.a. með föt í mátunarklefa og fjarlægði þar þjófavörnina. Síðan fór það með fötin út úr verslunum án þess að borga fyrir þau. Við húsleit á heimili þremmeninganna fannst meira af stolnum varningi úr enn fleiri búðum. Þessir þjófar voru vel útbúnir, en þeir höfðu meðferðis virklippur, segul og heimatilbúinn poka þegar lögreglan náði til þeirra. Pokinn var sérhannaður með það fyrir augum að komast óáreittur framhjá öryggiskerfum verslana.







19. október

ALÞJÓÐLEG LÖGREGLUAÐGERÐ GEGN SKIPULAGÐRI BROTASTARFSEMI

Rúmlega 300 manns voru handteknir í alþjóðlegum lögregluaðgerðum Europol og samstarfsaðila stofnunarinnar á dögnum. Um er að ræða samstarfsverkefni undir heitinu Operation Ciconia Alba þar sem ráðist hefur verið gegn skipulagðri brotastarfsemi um allan heim. Í aðgerðunum núna, sem stóðu yfir í eina viku, var m.a. lagt hald á meira en 2 tonn af kókaíni. Flestir hinna handteknunna, eða tæplega 200 manns, eru þó grunaðir um aðild að netglæpum. Fjölmarginn, eða um 70, voru handteknir í tengslum við rannsóknir mansalsmála. Íslensk lögreglu- og töllyfirvöld, auk tengslaskrifstofu okkar hjá Europol, komu að viðamiklum undirbúningi aðgerðanna, en tvö mansalsmál hérlendis tengjast þessum alþjóðlegu aðgerðum. Nánar má lesa um Operation Ciconia Alba á heimasíðu Europol.

lrh.is

RÁN OG FJÁRSVIK

Tilkynningar um rán á höfuðborgarsvæðinu árið 2016 voru ívið færri en árin á undan. Engu að síðar voru slík mál til rannsókna næstum vikulega, en um 40 rán voru skráð hjá lögreglunni. Ofbeldi var jafnan hótað eða beitt og afleiðingarnar eftir því. Nótt eina í apríl var karl á fertugsaldri stunginn í báða fæturna þegar hann hugðist yfirgefa bifreið í Breiðholti. Maðurinn hafði þegið far með tveimur konum á líkum aldri, en á áfangastað var hann krafinn um greiðslu af bílstjóranum sem jafnframt hrífsaði til sín síma mannsins. Hann brást ókvæða við og náði að endurheimta símann, en var þá stunginn eins og áður sagði. Báðar konurnar voru handteknir, en í handtösku annarrar þeirra fundust hnífar, sem lögreglan lagði hald á. Fáeinum vikum síðar rannsakaði Lögreglan á höfuðborgarsvæðinu rán í miðborginni, en þar hleypti karl á sjötugsaldri sér allnokkru yngri konu inn á heimili sitt. Sú rændi maðurinn með aðstoð óþekktar aðila og hafði á brott með sér bæði tölvu og skartgrip. Lýst var eftir konunni, en þegar hún náðist var búið að selja hluta af þýfinu og ætlar lögreglan að andvirðið hafi verið notað til flkniefnakaupa. Engu að síður tókst að endurheimta stolna muni í málinu, en sá sem keypti illa fengna tölvu í þessu tilviki sat eftir með sárt ennið. Maðurinn sem var rændur var fluttur lemstraður á sjúkrahús, en andleg eftirköst hans vegna málsins voru trúlega meiri og alvarlegri.

18. janúar

FRÆÐSLUFUNDIR UM MANSAL

Undanfarið hefur þverfaglegur hópur Innanríkisráðuneytis, sem tveir starfsmenn Lögreglunnar á höfuðborgarsvæðinu eiga sæti í, staðið fyrir fræðslufundum um mansal. Í hópnum eru þau Alda Hrönn Jóhannsdóttir, aðallögfræðingur embættisins og Snorri Birgisson, rannsóknarlögreglumaður en Snorri á meðal annars sæti í vinnuhóp Europol um þessi mál. Meðferð þessarra tilteknu mála, sérstaka við rannsókn og saksókn hafa verið til umfjöllunar en með þeim Snorra og Öldu hafa Drífa Snædal hjá Starfsgreinasambandinu fjallað um aðkomu verkalýðsfélaga og Edda Ólafsdóttir fjallað um þátt félagsþjónustunnar; hvaða viðbrögð hafa verið til staðar gagnvart fórnarlömbum mansals og umfang slíkra mála. Fundirnir hafa tekist einkar vel og yfir 1000 manns fengið fræðslu um þessi málefni, sem hafa m.a. orðið til þess að ábendingar um grun um mansal borist lögreglu. Fyrsti fundurinn fór fram í apríl 2014, en síðan hafa verið haldnir 30 fræðslufundir þar sem margskonar hópar hafa fræðst um þessi mál en vilji Lögreglunnar á höfuðborgarsvæðinu er að styrkja meðferð mansalsmála sökum alvarleika þeirra.

lrh.is

Þrátt fyrir að auðgunarbrotum hafi fækkað talsvert í umdæminu árið 2016 átti það ekki við um fjársvik og fjárdrætti. Fjöldi þeirra mála tók litlum breytingum frá 2015. Aðferðir svikahraðanna taka hins vegar breytingum með tilkomu tækninnar og netsvindl af ýmsu tagi er nú velþekkt fyrirbæri. Lögreglan á höfuðborgarsvæðinu varaði oft við slíku, en í mars vakti hún einmitt athygli á varhuga-verðum beiðnum til stjórnenda fyrirtækja. Embættinu bárust þá nokkrar tilkynningar um tilraunir til fjársvika, en fjármálastjórum fyrirtækja voru send greiðslufyrirmæli, sem litu út eins og hver önnur í eðlilegum og heiðarlegum viðskiptum. Svo var þó ekki raunin í þessum tilvikum, en um var að ræða vel útfærða tölvupósta á íslensku og sneru fyrirmælin að greiðslum héðan til útlanda. Dæmi voru líka um tölvupríóta sem komust yfir upplýsingar birgja og sendu viðskiptavinum þeirra beiðnir um greiðslu, en á nýjan reikning. Erfitt gat verið að sjá í gegnum slíkt, enda áttu viðskiptavinir von á greiðsluseðli frá viðkomandi.

Heldur óvenjulegt fjárkúgunarmál kom á borð Lögreglunnar á höfuðborgarsvæðinu í desember, en þá kom eldri kona á lögreglustöð og sagði farir sínar ekki sléttar. Daginn áður hafði hún fengið símtal frá manni, sem bar á hana að hafa valdið umferðarslysi og ekið á barn. Hringjandi sagði jafnframt að ekkert yrði gert úr málinu ef hún greiddi honum tiltekna upphæð, en hann myndi koma peningunum til fjölskyldu barnsins. Þetta væri jafnframt mun ódýrara fyrir konuna, en færi málið hefðbundna leið í kerfinu gæti hún endað með að fá háa sekt og fangelsisdóm að auki. Konunni var illa brugðið enda var maðurinn sannfærandi og sagði rétt til um hvar hún hefði verið á ferðinni í borginni þegar slysið átti að hafa gerst. Fyrirmæli hans voru jafnframt skýr, eða að setja peningana í umslag og hann sjálfur myndi sækja það heim til hennar. Skemmst er frá því að segja að maðurinn, sem var á fimmtugsaldri, var síðan handtekinn þegar hann hugðist sækja peningana hjá konunni. Málið var nokkuð viðamikið, en lagt var



29. mars

BRUGGVERKSMÍÐJA UPPRÆTT

Um miðjan mánuðinn barst Lögreglunni á höfuðborgarsvæðinu ábending um sölu og framleiðslu á ólöglegu áfengi, eða „landa“. Í kjölfarið var gerð húsleit í miðborginni en við leitina fundust 499 lítrar af gambra og tæplega 38 lítrar af landa. Skemmst er frá því að segja að húsráðandi var ekki með leyfi til áfengisframleiðslu enda var ýmislegt aðfinnsluvert við framleiðsluna, meðal annars hreinlæti. Við húsleitina fundust einnig 44 kg. af sykri. Húsráðandi gekkst við því að hafa staðið að áfengisframleiðslunni en einnig kom fram að sykurrinn sem fannst við leitina hafi einnig átt að notast til baksturs. Málið telst upplýst.

lrh.is

hald á tölvur og síma í þágu rannsóknarinnar. Maðurinn var jafnframt úrskurðaður í gæsluvarðhald, en hann var enn fremur grunaður um að hafa reynt að blekkja fleiri aðila með sama hætti.

Fjárkúgunarmálin sem tilkynnt voru til lögreglu á vormánuðum voru sömuleiðis óvenjuleg, en við rannsóknir þeirra leitaði embættið m.a. liðsinnis Europol og bandarísku alríkislögreglunnar, FBI. Málin voru öll með sama sniði, en kynni tókust með íslenskum karlmanni og erlendri konu í gegnum fésbókina. Eftir örstutt kynni færðust samskiptin yfir á Skype, þ.e. bæði í hljóð og mynd. Þar viðhafði karlinn kynlífstengdar athafnir, en í kjölfar þess var honum tilkynnt að athæfið hefði verið tekið upp á myndband. Það yrði sent til opinberrar birtingar, bæði vinum viðkomandi á fésbókinni sem og YouTube, ef ekki kæmi til peningagreiðsla innan tiltekins tíma. Lögreglan á höfuðborgarsvæðinu ráðlagði þeim sem í þessu lentu að láta ekki undan hótunum enda viðbúið að þær héldu áfram engu að síður. Ekki bárust neinar fréttir um birtingar myndbandanna, en vafasömu konurnar virtust eiga ættir sínar að rekja til Fílabeinsstrandarinnar svo því sé haldið til haga. Fjárkúgunarmálin voru jafnframt áminning um mikilvægi þess að fólk gæti að því hvað það segir og gerir í samskiptum á Netinu.

20. maí

REIÐHJÓLAÞJÓFNUÐUM FER FJÖLGANDI

Afbrotatölfræði lögreglustjórans á höfuðborgarsvæðinu fyrir aprílmánuð 2016 hefur verið birt. Í skýrslunni eru teknar saman upplýsingar um helstu afbrot sem hafa verið tilkynnt til lögreglu. Fjallað er um þróunina á síðustu 13 mánuðum og tölur það sem af er ári bornar saman við sama tímabil síðustu þriggja ára. Í apríl voru skráðar 689 tilkynningar um hegningarlagabrot, sem gerir um það bil 23 tilkynningar á dag. Lögreglunni á höfuðborgarsvæðinu bárust 336 tilkynningar um þjófnaði í apríl, þar af voru 97 tilkynningar um innbrot. Tilkynningum um innbrot fjölgað nokkuð miðað við síðastliðna tvo mánuði, en fjöldinn er svipaður og meðalfjöldi tilkynninga síðastliðna 12 mánuði. Skráð voru 76 fikniefnabrot í apríl og fækkar þeim töluvert á milli mánaða. Það sem af er ári hafa verið skráð um 21 prósent færri fikniefnabrot borið saman við meðalfjölda fyrir sama tímabil síðustu þriggja ára. Nú þegar sólin fer hækkandi, sumarið nálgast og reiðhjólum fjölga á götum borgarinnar er vert að minna eigendur reiðhjóla á að vera á varðbergi og ganga tryggilega frá reiðhjólum sínum. Reiðhjólþjófnum á höfuðborgarsvæðinu fjölgaði um rúmlega 124 prósent á milli mánaða og má ætla að þeim haldi áfram að fjölga á næstu mánuðum.

LÍKAMSÁRÁSIR

Rúmlega 1.100 líkamsárásir voru tilkynntar til Lögreglunnar á höfuðborgarsvæðinu árið 2016. Flestar töldust minni háttar, en meiri háttar líkamsárásir (218. gr. alm. hegningarlaga) voru um 160. Fjöldi líkamsárásarmála í umdæminu breyttist lítið frá árinu á undan, en þá fjölgaði mjög minni háttar líkamsárásurum sem komu á borð lögreglu. Ástæða þessa var einkum breytt verklag embættisins árið 2015, sem sneri að skráningu heimilisofbeldis. Þrátt fyrir fjölda ofbeldisbrota hefur Lögreglan á höfuðborgarsvæðinu ekki setið aðgerðarlaus þegar þessi málaflokkur er annars vegar. Átak embættisins gegn heimilisofbeldi, sem unnið var í góðri samvinnu við sveitarfélögin á höfuðborgarsvæðinu, vitnar um það. Lögreglan stóð einnig að samkomulagi um ofbeldislausu og örugga skemmtistaði í Reykjavík, ásamt borgaryfirvöldum, Slökkviliði höfuðborgarsvæðisins og Samtökum ferðaþjónustu (SAF) fyrir hönd skemmtistaða í Reykjavík. Miklar vonir voru bundnar við samkomulagið enda markmið þess mikilvægt fyrir alla. Þá varð framhald á auknu, sýnilegu eftirliti á álagstímum í miðborginni yfir sumarmánuðina, en embætti ríkislögreglustjóra tók áfram þátt í því.

Þótt fréttir af ofbeldisbrotum í miðborginni hafi verið nokkuð tíðar í gegnum árin eru þau líka framin annars staðar í umdæminu. Og það átti einmitt við um mörg alvarlegustu brotin, sem Lögreglan á höfuðborgarsvæðinu rannsakaði árið 2016. Hnífsstunga í vesturbæ Reykjavíkur var eitt þessara líkamsárásarmála, en sá sem fyrir henni varð var mjög hætt kominn. Málsatvik voru þau að tveir karlar á þrítugsaldri höfðu deilt í heimahúsi. Svo virðist sem ósætti hafa komið upp eftir að annar mannanna tók ljósmynd af kærustu hins og sendi vinum þeirra. Deilur mannanna mögnuðust og tók annar þeirra upp hníf og stakk hinn eftir að út úr íbúðinni var komið. Nágrannar sáu til mannanna á bifreiðastæði við húsið, en þeir voru



1. mars

NÝJAR LÖGREGLUBIFREIÐAR HJÁ LRH

Lögreglan á höfuðborgarsvæðinu hefur fengið tvær nýjar lögreglubifreiðar af gerðinni Volvo V70, en það er umferðardeild embættisins sem fær þær til afnota. Við þetta skiptir umferðardeildin út tveimur eldri lögreglubifreiðum sem voru komnar til ára sinna. Ekki verður sagt að gömlu bílanna sé sérstaklega saknað enda þeir nýju búnir fullkomnum búnaði sem hæfir nútíma löggæslu.

lrh.is

að hlúa að hinum slasaða þegar lögreglan kom á vettvang. Brotapoli var fluttur á bráðamóttöku og var með óstöðug lífsmörk er þangað var komið, en hann bar öll merki þess að vera með innvortis blæðingu. Hann var á gjörgæsludeild um skeið og þurfti jafnframt að vera í öndunarvél. Árásarmaðurinn var handtekinn við vettvanginn, en hann sat síðan í gæsluvarðhaldi um nokkurra mánaða skeið.

Síðla árs var þrítugur karl handtekinn í Breiðholti eftir að tilkynnt var um líkamsárás í heimahúsi. Þar hafði hópur manna setið að sumbli og eitthvað slest upp á vinskapi. Hnífur fór á loft og var karl á þrítugsaldri stunginn í bæði andlitið og síðuna, en síðarnefndi áverkinn var lífshættulegur. Árásarmaðurinn var sömuleiðis fluttur á slysadeild, en hann var einnig talsvert slasaður. Sá var úrskurðaður í gæsluvarðhald og annar maður til á grundvelli rannsóknarhagsmuna. Við komuna á vettvang voru ummerki um átök, en blóð var á veggjum og gólfí og húsmunir höfðu færst úr stað. Aðrir gestir í samkvæminu vísuðu strax á fyrrnefndan árásarmann sem geranda í málinu. Lögreglan ætlar að kveikjan að átökum manna

4. apríl

BÚIST VIÐ MANNFJÖLDA Á AUSTURVELLI Í DAG

Í dag hefur verið rólegt á vaktinni, enda veður gott og vorilmur í lofti. Búist er við miklum mannfjölda við Alþingi seinna í dag og verður lögreglan með vakt, og til aðstoðar við almenning á Austurvelli vegna þess. Við biðjum fólk að virða störf lögreglu enda hlutverk okkar að sjá til þess að fundafrelsi almennings sé virt og að mótmælin fari friðsamlega fram.

lrh.is

hafi verið rifrildi um áfengi, sem fór úr böndunum með þessum dapurlega hætti.

Enn eitt hnífsstungumálið var tekið til rannsóknar hjá Lögreglunni á höfuðborgarsvæðinu í árslok, en það vakti óhug margra. Kona á miðjum aldri var á leið til vinnu sinnar í Kópavogi skömmu fyrir jól þegar á hana var ráðist við vinnustað hennar og hún stungin með eggvopni. Konan hlaut sár á upphandlegg og var það talið af völdum hnífsstungu, en töluvert blæddi úr sárinu. Mikill viðbúnaður var vegna málsins og fjölmennt lið lögreglu leitaði árársarmannsins, en hann var sagður hafi verið grímuklæddur á vettvangi. Því miður skilaði leitin ekki árangri og málið var óupplýst. Árásin var konunni eðlilega mjög þungbær, en hún átti sér enga óvildarmenn og var málið lögreglunni ráðgáta. Að síðustu má geta þess að ekkert manndrápsmál var til rannsóknar hjá embættinu árið 2016, en það sætir gjarnan tíðindum.



4. nóvember

NOTUM

ENDURSKINSMERKI

Nú þegar skammdegið er skolið á þykir rétt að minna enn og aftur á mikilvægi endurskinsmerkja fyrir gangandi vegfarendur í umferðinni. Foreldrar eru hvattir til að setja endurskinsmerki á fatnað barna sinna sem oftast ekki eru dökklædd á ferð. Þá er ekki síður mikilvægt að fullorðnir noti þennan sjálfsgæða og einfalda öryggisbúnað sér einnig til verndar.

Sérstök ástæða er til að minnst á hlaupahópa í þessu samhengi, en í sumum þeirra vantar talsvert upp á að meðlimirnir noti allir endurskinsmerki þótt þeir séu á ferð í myrkri á eða við umferðargötur. Stórhætta hefur skapast af þessum sökum. Það hefur jafnframt vakið athygli lögreglu að eðlileg aðgæsla hlaupara og virðing fyrir umferðarlögum er á köflum lítil. Þeir fara t.d. stundum óhikað yfir umferðargötur án þess að nota gangbrautir þó þær séu nærri og fara yfir á móti rauðu gangbrautarljósi. Reiðhjólamenn eru líka minntir sérstaklega á mikilvægi endurskinsmerkja, en þeir eru jafnframt beðnir að ganga úr skugga um að ljósbúnaður hjólanna sé í lagi. Sýnum gott fordæmi og notum endurskinsmerki. Þannig stuðlum við að eigin umferðaröryggi og annarra.

lrh.is

FÍKNIEFNAMÁL

Fíkniefni komu við sögu hjá Lögreglunni á höfuðborgarsvæðinu með einum eða öðrum hætti nánast alla daga ársins 2016. Þótt á annað þúsund fíkniefnabrota hafi verið skráð hjá embættinu fækkaði þeim samt litillega frá árinu á undan. Allt var þó áfram á kunnuglegum nótum, en Lögreglan á höfuðborgarsvæðinu, oft í góðri samvinnu við tollyfirvöld, lagði hald á ýmsar tegundir fíkniefna. Þar má nefna amfetamín, kókaín, hass, e-töflur og metamfetamín. Það síðastnefnda hefur reyndar lítt komið við sögu hjá lögreglu, en málið sýnir að hún þarf stöðugt að halda vöku sinni. Það voru óprúttnir aðilar sem freistuðu þess að flytja metamfetamínið til Íslands, en það var falið í handsápum og fannst við skoðun tollgæslunnar. Gerviefni voru sett í pakkningarnar, sem síðan voru afhentar móttakandanum hér á landi. Honum var veitt eftirför, en maðurinn, og annar til, var handtekinn í geymslu fjölbýlishúss á höfuðborgarsvæðinu. Samtals var um að ræða 1 kg af metamfetamíni í þessari sendingu, sem kom til Íslands á haustmánuðum. Um svipað leyti var stöðvuð sending sem innihélt e-töflur og fékk hún sömu afgreiðslu. Móttakandi efnanna hérlendis, sem hafði óskað eftir sendingunni með hraði, var handtekinn og játaði sök, en hann hafði sjálfur staðið að pöntun e-taflnanna.

Þetta árið var annars minna haldlagt af fíkniefnum en árið á undan, en það kom samt ekkert endilega á óvart. Sveiflur í málaflöknum eru jafnan nokkrar og helgast iðulega af stórum málum sem kunna að koma upp. Auk metamfetamíns, sem áður var getið, vakti sömuleiðis athygli haldlagning lögreglunnar á tæplega 6 kg af hassi, en hass hefur ekki komið mikið við sögu í fíkniefnamálum síðustu árin. Eitt af stærri fíkniefnamálunum kom til rannsóknar hjá Lögreglunni á höfuðborgarsvæðinu seinni hluta ársins. Það sneri að innflutningi á um 4 kg af amfetamíni, sem komu hingað með hraðsendingu frá Hollandi. Sendingin var stöðvuð og fíkniefnunum



3. ágúst

ÖKUFANTUR Á HRINGBRAUT Í REYKJAVÍK

Tvítugur piltur var staðinn að hraðakstri á Hringbraut í Reykjavík, skammt frá Bjarkargötu, á níunda tímanum í morgun. Bill hans mældist á 133 km hraða, en þarna er 60 km hámarkshraði. Pilturinn, sem var allsgáður, var sviptur ökuréttindum til bráðabirgða á staðnum. Aðspurður um hraðaksturinn sagðist pilturinn hafa verið að flýta sér á áriðandi fund. Ekki vitum við hvort hann mætti á fundinn á réttum tíma, en hann má teljast heppinn að lögreglan hafði hendur í hári hans því svona akstursmáti er stórhættulegur svo ekki sé meira sagt.

lrh.is

skipt út fyrir gerviefni. Móttakandinn var því grunlaus þegar hann sótti pakkann, en manninum var fylgt eftir áður en hann var handtekinn. Málið var mjög umfangsmikið, en nokkrar húsleitir voru framkvæmdir í umdæminu í þágu rannsóknarinnar. Um tíma sátu fimm menn í gæsluvarðhaldi í tengslum við málið, en rannsókn lögreglu laut einnig að innflutningi stera í talsverðu mæli.

Marijúana var mjög áberandi þegar fíkniefni voru annars vegar, en lagt var hald á um 30 kg af því árið 2016. Kannabisræktanir var áfram að finna á mörgum stöðum í umdæminu, en lögreglan hefur verið ópreytandi við að stöðva þær á undanförunum árum. Hvergi var slakað á í þeim efnum, en í september fann Lögreglan á höfuðborgarsvæðinu meira en 500 kannabisplöntur á lokstigi ræktunar í iðnaðarhúsnæði í Kópavogi. Á vettvangi fannst enn fremur mikið magn af tilbúnu marijúana og niðurklíptum laufum. Málið var mjög umfangsmikið, en lagt var hald á verulega fjármuni, allmargar milljónir, í þágu rannsóknarinnar, en grunur lék á að peningarnir væru tilkomnir vegna fíkniefnasölu. Kannabisræktunin í Kópavogi var mjög fullkomin og búnaðurinn eftir því, en það tók hóp lögreglumanna marga klukkutíma að taka ræktunina niður. Fleiri kannabisræktanir máttu teljast fullkomnar, en það var líka eftirtektarvert hversu mikið sumir lögðu á sig til að fela starfsemina. Eina slíka ræktun var að finna í heimahúsi í Garðabæ, en til að komast að henni þurfti að færa til innréttingar á baðherbergi og tók sú lögregluaðgerð drjúgan tíma.



5. nóvember

LÖGGÆSLA Í BREIÐHOLTI

Lögreglan á höfuðborgarsvæðinu tekur mjög alvarlega þá gagnrýni sem hún fær í Fréttablaðinu og á vísir. Í dag, en þar er lögreglan sökuð um að hunsað Fellahverfi í Breiðholti og bregðast seint og illa við útköllum í hverfinu. Lögreglan hefur verið í nánu sambandi við hverfasamtökin á svæðinu og mun skoða ítarlega hvernig eftirliti lögreglu í hverfinu er háttað og hvort hægt sé að gera betur í þeim efnum. Lögreglan á höfuðborgarsvæðinu leggur áherslu á að þjóna öllum íbúum í umdæminu með sama hætti og þar eru Breiðhýltingar svo sannarlega ekki undanskildir. Ásökunum um að lögreglan geri greinarmun á fólki eftir þjóðerni er hins vegar vísað alfarið á bug.

lrh.is

SKAÐSEMI FÍKNIEFNA

Lögreglan þarf sífellt að vera á tánum gagnvart nýjungum á fíkniefnamarkaðnum til að geta brugðist við og komið í veg fyrir afbrot þeim tengdum, líkamstjóni af völdum fíkniefna eða í versta falli dauðsföllum sem má rekja til neyslu fíkniefna. Þetta er rakið hér því í apríl sendi embættið frá sér tilkynningu og vakti athygli á einmitt þessu, en mánuðina á undan fékk Lögreglan á höfuðborgarsvæðinu til sín einstaklinga, sem áttu sér enga sögu um óreglu. Hinir sömu féllu heldur ekki inn í þann hóp neytenda, sem lögreglan átti að venjast og vakti það undrun hennar. Umrætt fólk var illviðráðanlegt og haldið miklum ranghugmyndum. Það var með gríðarlega hátt sársaukaþol og verulega hættulegt umhverfi sínu, en þó fyrst og fremst sjálfu sér. Eins undarlega og það hljómaði virtist það vera í tísku hjá einhverjum hópi ungs fólks að prófa að neyta LSD. Lögreglan á höfuðborgarsvæðinu ítrekaði fyrir þeim sem hugleiddu að neyta LSD að það væri stórhættulegt efni og líklegum áhrifum þess bæri að taka alvarlega. Notkun LSD, sem





15. ágúst

LÍKAMSÁRÁS – VITNI ÓSKAST

Lögreglan á höfuðborgarsvæðinu óskar eftir vitnum að líkamsárás sem átti sér stað í Súðarvogi í Reykjavík á tímabilinu frá kl. 21.30 – 22.00 sl. laugardagskvöld, 13. ágúst. Þar ók karlmaður hvítum, upphækkuðum jeppa suður Súðarvog, en við hraðahindrun á mótis við Dugguvog komu menn að bílnum og veittust að öikumanninum. Þeir sem geta veitt upplýsingar um málið eru beðnir um að koma þeim á framfæri í tölvupósti á netfangið eric@lrh.is eða á einkaskilaboðum á fésbókarsíðu Lögreglunnar á höfuðborgarsvæðinu og í síma lögreglunnar 444 1000.

lrh.is

hefur ofs kynjunaráhrif við inntöku, getur leitt til mikils ótta, ofsóknaræðis og annarra andlegra einkenna sem setja neytendur í hættu.

Nokkrum mánuðum seinna minnti Lögreglan á höfuðborgarsvæðinu á að notkun verkjalyfsins fentanýl skyldi ávallt vera í samráði við lækni. Fentanýl er mjög sterkt verkjalyf og getur valdið dauða hjá þeim sem kunna ekki með það að fara, en fjölmörg dauðsföll á Norðurlöndunum voru rakin til notkunar þess. Slíkt mál kom til rannsóknar hjá embættinu í ágúst, en við andlát ungs manns í umdæminu vaknaði grunur um að umrætt lyf hefði komið við sögu. Lögreglan á höfuðborgarsvæðinu hafði jafnframt áhyggjur að fentanýl kynni að ganga hér kaupum og sölum í formi dufts, kristalla og tafna. Vitað var að fentanýl væri boðið til sölu á Netinu hjá aðilum í Asíu og Suður-Ameríku. Enn fleiri lyf komu við sögu lögreglu á árinu, en reglulega koma upp mál sem varða brot á lyfjalögum. Þar eiga í hlut óprúttir aðilar sem selja og dreifa lyfseðilsskyldum lyfjum. Lögreglan kemst á snoðir um mörg þessara mála eftir ábendingar frá almenningi, en þar gegnir fíkniefnasíminn 800 5005 mikilvægu hlutverki. Sama á við um einkaskilaboð sem berast í gegnum fésbókarsíðu Lögreglunnar á höfuðborgarsvæðinu.



Myndin er sviðsett

29. febrúar

HÓTUN HÆLISLEITANDA

Betur fór en á horfðist þegar lögreglan var kölluð að Arnarholti á Kjalarnesi á áttunda tímanum í kvöld, en þar var tilkynnt um mann sem hótaði að bera eld að sjálfum sér. Sá reyndist vera hælisleitandi, en viðkomandi var rólegur þegar lögreglan kom á vettvang og hafði ekki borið eld að sér eða húsnaðinu í Arnarholti. Ástæðan fyrir hótun mannsins mun vera óánægja hans með afgreiðslu mála hjá yfirvöldum, en þau hafa mál hans til meðferðar. Maðurinn var færður af staðnum og til dvalar annars staðar, en hann er undir eftirliti starfsmanna Útlendingastofnunar. Lögreglan var með mikinn viðbúnað vegna málsins, en tilkynningin um hótunina barst kl. 19.40. Málið var tekið mjög alvarlega, en auk lögreglu fór slökkviliðið á vettvang. Aðgerðum var lokið rétt fyrir klukkan níu í kvöld.

lrh.is

KYNFERÐISBROT OG HEIMILISOFBELDI

Lögreglunni á höfuðborgarsvæðinu bárust um 250 tilkynningar um kynferðisbrot árið 2016. Flest brotanna voru tilkynnt í júní og júlí, en fæst í ágúst. Tilkynningar um kynferðisbrot í umdæminu voru samt færri en árið á undan og átti það einnig við um nauðganir, en þeim málum fækkaði lítillega. Engu að síður voru rúmlega 120 nauðganir til rannsóknar hjá embættinu og því ljóst að margir áttu um sárt að binda. Eðli málsins samkvæmt voru brotin gróf og ófyrirleitin og átti það ekki síst við um nauðgunarmál, sem Lögreglan á höfuðborgarsvæðinu fékk til rannsóknar í júlí. Sakborningurinn var 18 ára piltur, sem sama sumar var handtekinn annars staðar á landinu vegna gruns um kynferðisbrot. Í málinu á höfuðborgarsvæðinu var hann handtekinn í úthverfi, skammt frá vettvangnum. Þar í herbergi í bílskúr hafði hann brotið gegn 15 ára stúlku, en hún var flutt á neyðarmóttöku í sjúkrahúsið. Samkvæmi var í húsinu við hliðina á bílskúrnum, en þangað höfðu pilturinn og stúlkan komið saman. Þau fóru afsíðis í bílskúrinn þar sem hann braut gegn henni með mjög grófum hætti, en stúlkan reyndi að kalla eftir hjálp. Um síðir var eftir því tekið, en þá var það því miður orðið of seint. Á meðan brotið stóð yfir tók pilturinn

19. júlí

LÖGREGLUAÐGERÐ Í GRAFARHOLTI

Karlmaður um þrítugt var handtekinn í heimahúsi í Grafarholti nú fyrir skömmu, en maðurinn hafði látið ófriðlega í húsinu og m.a. brotið rúður. Tilkynning um manninn, sem var óvopnaður, barst lögreglu laust fyrir klukkan tíu í kvöld og var sersveit ríkislögreglustjóra send á vettvang, en talið var að maðurinn væri hættulegur bæði sjálfum sér og öðrum. Íbúar yfirgáfu húsið skömmu eftir að lögreglan kom á vettvang. Sérþjálfaðir samningamenn voru í framhaldinu kallaðir til. Húsið er í botnlanga og var lokað fyrir umferð og götuna. Maðurinn hefur áður komið við sögu hjá lögreglu.

lrh.is

stúlkuna bæði hálstaki og hélt fyrir vit hennar, auk þess að hóta henni öllu illu. Pilturinn sat í gæsluvarðhaldi um nokkurra mánaða skeið á grundvelli almannahagsmuna, eða þar til dómur féll.

Um svipað leyti rannsakaði Lögreglan á höfuðborgarsvæðinu hrottablega nauðgun og sérstaklega hættulega líkamsárás, sem átti sér stað í íbúð fjölbýlishúss annars staðar í umdæminu. Þar nauðgaði karl á þrítugsaldri barnsmóður sinni ítrekað og varnaði því sömuleiðis að hún kæmist út. Á meðan þessu stóð kýldi maðurinn konuna jafnframt margsinnis í andlit, höfuð og líkama. Hann þrýsti einnig hnífi að hálsi hennar og skar hana í hökuna. Maðurinn barði enn fremur höfði konunnar utan í vegg á baðherbergi, en blóð og blóðkám var sjáanlegt þegar lögreglan kom á vettvang. Maðurinn var handtekinn á staðnum, en konan var flutt á neyðarmóttöku fyrir þolendur kynferðisofbeldis. Seinna á árinu rannsakaði Lögreglan á höfuðborgarsvæðinu annað mál þar sem grunur var um frelsissviptingu, nauðgun og líkamsárás. Brotapoli, kona á þrítugsaldri, var kominn á neyðarmóttökuna þegar lögreglan var kölluð til, en hún sagði farir sínar ekki sléttar eftir samskipti við kærastann. Konunni, sem var með margvíslega áverka við komuna á sjúkrahús, snerist síðar hugur og vildi þá draga til baka allar fyrir





25. ágúst

HRADAKSTUR VIÐ GRUNNSKÓLA – 200 ÓKU OF HRATT

Þessa dagana er lögreglan m.a. við umferðareftirlit við grunnskóla á höfuðborgarsvæðinu, en óhætt er að segja að ástandið sé ekki nógu gott. Hraðamælingar það sem af er vikunni sýna að brotahlutfallið í og við grunnskólana er hátt og full ástæða til að minna ökumenn á að aka hægar og sýna meiri tillitssemi. Í dag var lögreglan við hraðamælingar á Neshaga í nágrenni Melaskóla, en þar ók rúmlega fimmtungur ökumanna of hratt, eða yfir leyfðum hámarkshraða. Ástandið í Rofabæ við Árbæjarskóla í morgun var enn verra, en þar ók tæplega þriðjungur

yfirlýsingar um framferði mannsins sem braut gegn henni. Slíkt er óvenjulegt, en þó engan veginn einstakt í málum sem þessum.

Frá því að Lögreglan á höfuðborgarsvæðinu sendi afdráttarlaus skilaboð um að heimilisofbeldi er ekki liðið hefur tilkynningum í málaflokknum fjölgað mjög mikið. Árið 2015 bárust um 50 tilkynningar til embættisins í hverjum mánuði og árið 2016 voru þær ívið fleiri, eða um 55. Málin voru misjöfn og sum hver mjög alvarleg líkt og þegar hefur verið rakið, en með heimilisofbeldi er átt við ofbeldi milli skyldra aðila. Lögreglan var kölluð til ótal sinnum til að skakka leikinn við slíkar aðstæður árið 2016, en hún kom líka stundum þegar ofbeldið var yfirstaðið og heimilið í rúst. Þetta voru iðulega mjög erfið útköll fyrir lögreglumennina sem fóru á vettvang, en í einu slíku handtóku þeir ungan mann sem hafði gengið í skrokk á móður sinni með hrottalegum hætti. Hann hafði slegið hana ítrekað í höfuðið með stofustássi og einnig stungið með hnífi, en móðirin var stórslösuð eftir árásina.

ökumanna of hratt. Sama brotahlutfall var í nágrenni Ölduselsskóla í fyrradag og í gær ók hátt í fimmtungur öikumanna of hratt framhjá Klébergsskóla á Kjalarnesi. Loks er að nefna að helmingur öikumanna, eða 50%, ók of hratt þegar lögreglan var við hraðamælingar í námunda við Hólabrekkuskóla og Fellaskóla á mánudag. Ekki er ástæða til að ætla að ástandið sé eitthvað skárra við aðra grunnskóla í umdæminu, en lögreglu hafa borist kvartanir vegna þessa, m.a. frá áhyggjufullum foreldrum í Grafarholti og bykir okkur ástæða til að nefna það sérstaklega í þeirri von að öikumenn þar taki þessa ábendingu til sín. Lögreglan minnir öikumenn, enn og aftur, á að aka varlega, ekki síst í námunda við skóla enda margir þar á ferli, m.a. nýir vegfarendur sem eru að hefja skólagöngu. Að síðustu má geta þess að undanfarna daga hafa hátt í 200 öikumenn verið staðnir að hraðakstri í og við grunnskóla á höfuðborgarsvæðinu, og eiga hinir sömu sekt yfir höfði sér.

lrh.is

UMFERÐAREFTIRLIT

Umferðarmál voru ofarlega á baugi hjá Lögreglunni á höfuðborgarsvæðinu árið 2016, en áfram var lögð mikil áhersla á umferðareftirlit í umdæminu. Sýnilegri löggæslu var haldið úti víða á höfuðborgarsvæðinu og var full þörf á. Tilgangurinn var enda sá að fá öikumenn til að virða betur leyfðan hámarkshraða, umferðarreglur almennt og þannig stuðla að fækkun slysa og óhappa. Árangurinn hefði mátt vera betri, en kannski væri staðan líka verri ef ekki hefði komið til umferðareftirlit lögreglunnar. Hér er einkum verið að horfa til umferðarslysa, en þau dreifðust frekar jafnt yfir árið og lætur nærri að rúmlega 35 umferðarslys voru tilkynnt til Lögreglunnar á höfuðborgarsvæðinu í hverjum mánuði. Þeim hefur ekki fækkað undanfarin ár og það er áhyggjuefni. Um langt skeið hefur embættið birt samantekt á heimasíðu sinni um aðdraganda og orsakir umferðarslysa í umdæminu. Pistlarnir voru birtir þar vikulega árið 2016 og voru oft áhugaverð lesning, auðvitað ekki skemmtileg, en þörf.

Eftirlit með hraðakstri hefur jafnan verið mikið á höfuðborgarsvæðinu og til margra ára hefur embættið m.a. haldið úti sérstöku myndavélabil af þeirri ástæðu. Því var framhaldið árið 2016 og áherslurnar hinar sömu og fyrr, ekki síst er varðaði hraðakstur í íbúðahverfum í sveitarfélögunum. Þar voru enn fremur áfram reglulegar hraðamælingar í nágrenni grunn- og leikskóla. Annað árið í röð hélt Lögreglan á höfuðborgarsvæðinu úti sérstöku umferðareftirliti við grunnskóla í umdæminu fyrstu vikur skólaársins. Framkvæmdar voru hraðamælingar við eða í nágrenni 23 grunnskóla á höfuðborgarsvæðinu, ýmist við skólana eða á þekktum göngu-leiðum barna til og frá skóla. Í öllum tilfellum var um að ræða götur þar sem leyfður hámarkshraði er 30, en áður nefndur myndavélabil lögreglunnar sinnti verkefninu. Í ljós kom að um þriðjungur öikumanna, eða 34%, ók of hratt eða yfir afskiptahraða, en meðal-



22. mars

FJÁRSVIK – ÓSK UM MILLIFÆRSLU FRÁ STJÓRNANDA

Undanfarna daga hafa komið nokkrar tilkynningar um tilraunir til fjársvika þar sem fjármálastjórum fyrirtækja eru send greiðslufyrirmæli sem eru látin líta út sem að þau komi frá framkæmdarstjórum og forstjórum viðkomandi fyrirtækja. Um að ræða vel útfærða tölvupósta á íslensku en greiðslufyrirmælin varða greiðslur héðan til útlanda.

Við biðjum fólk að vera sérstaklega á varðbergi þegar um er að ræða breytingar á greiðslum í þessum dúr. Á lögregluvefnum má einnig finna frekari upplýsingar um margskonar svik sem lögreglan hefur orðið vör við, en töluvert hefur verið um slíkar sendingar undanfarið.

lrh.is

hraði hinna brotlegu var 43,5 km/klst. Allnokkrir óku á 50 eða hraðar, en sá sem hraðast ók mældist á 66 og átti hinn sami yfir höfði sér ökuleyfissviptingu. Hraðakstur við skólana var misjafnlega slæmur, en á tveimur stöðum ók helmingur ökumanna, eða 50%, of hratt. Niðurstöðurnar voru vonbrigði, en þess má geta að árið á undan var brotahlutfallið lægra.

Ekkert lát var annars á umferðinni, en ökumenn á höfuðborgarsvæðinu kvörtuðu á stundum undan mikilli umferð, ekki síst á stofnbrautum á mestu álagstímum. Ekki verður séð hvernig sá vandi verður leystur í bráð, en auk landans þurftu þúsundir ferðamanna einnig að komast leiðar sinnar í umdæminu. Blessunarlega nýttu margir þeirra sér langferðabifreiðar í stað einkabílsins, en Lögreglan á höfuðborgarsvæðinu kannaði einmitt sérstaklega ökuréttindi fjölda rútbílstjóra í júlí. Skemmst er frá því að segja að hinir sömu voru með allt sitt í lagi, en eftirlitið sneri einnig að atvinnuréttindum og tilskildum starfsleyfum viðkomandi. Ábendingar höfðu borist um eitthvað misjafnt, en starfsmenn fleiri stofnana voru með í för til að fullvissa sig um að þessir hlutir væru í lagi eins og raunin var.

14. desember

FÍKNIEFNAMÁL – FJÓRIR Í GÆSLUVARÐHALDI

Fjórir karlar sitja í gæsluvarðhaldi í tengslum við rannsókn Lögreglunnar á höfuðborgarsvæðinu á innflutningi á um 4 kg af amfetamíni, auk töluverðs magns af sterum. Einn til viðbótar var jafnframt handtekinn og úrskurðaður í gæsluvarðhald, en sá er nú laus úr haldi lögreglu. Rannsóknin hefur staðið yfir undanfarnar vikur, en lagt var hald á efni í sendingu til landsins.

Rannsókn málsins miðar vel, en í þágu hennar voru framkvæmdar nokkrar húsleitir á höfuðborgarsvæðinu að undangengnum dómsúrskurði.

lrh.is

BANASLYS OG HRAÐAKSTURSBROT

Þúsundir umferðarlagabrota komu á borð Lögreglunnar á höfuðborgarsvæðinu árið 2016, en þar voru hraðakstursbrot í miklum meirihluta. Jafnframt voru höfð afskipti af fjölmörgum öikumönnum sem voru drukknir undir stýri eða höfðu neytt fíkniefna áður en ekið var af stað. Umferðarslysinn hafa áður verið nefnd, en þetta árið létust þrír í umferðinni. Banaslysum fækkaði frá árinu á undan, en niðurstaðan var engu að síður afar sorgleg eins og gefur að skilja. Tvö banaslys urðu í sömu vikunni í byrjun sumars, eða sitthvoru megin við mánaðamót maí og júní. Í því fyrra féll karl á fertugsaldri af bifhjóli á Pingvallavegi, en hjólið hafnaði utan vegar. Maðurinn var fluttur á sjúkrahús og var úrskurðaður þar látinn. Fáeinum dögum síðar varð harður árekstur tveggja bíla í Hvalfjarðargöngum, en í slysinu lést kona á sjötugsaldri, sem var farþegi í annarri bifreiðinni. Þriðja banaslysið í umferðinni á höfuðborgarsvæðinu varð í árslok, en í desember varð tveggja bíla árekstur á Vesturlandsvegi, nærri hringtorgi við Lágafell. Kona á sjötugsaldri, sem ók annarri bifreiðinni, var flutt á sjúkrahús og lést þar í kjölfar slyssins.

Hraðakstursbrot í umdæminu voru 25.000 og fjölgaði frá árinu á undan, en öikumenn voru staðnir að hraðakstri víða á höfuðborgarsvæðinu. Þetta var afrakstur öflugs umferðareftirlits Lögregl-



4. nóvember

SKRÁÐUM UMFERÐARSLYSUM FJÖLGAR

Afbrotatölfræði lögreglustjórans á höfuðborgarsvæðinu fyrir septembermánuði 2016 hefur verið birt. Í skýrslunni eru teknar saman upplýsingar um helstu afbrot sem hafa verið tilkynnt til lögreglu. Fjallað er um þróunina á síðustu 13 mánuðum og breytingar metnar út frá staðalfrávikum. Auk þess sem tölur það sem af er ári bornar saman við sama tímabil síðustu þriggja ára. Í september var skráð 691 tilkynning um hegningarlagabrot á höfuðborgarsvæðinu, sem er fjölgun á milli mánaða. Tilkynningarnar eru þó innan marka miðað við þróun síðastliðna sex og síðastliðna 12 mánuði á undan. Flestir brota- og verkefnaflokkar voru innan ætlaðra marka miðað við þróun síðustu sex og síðustu 12 mánuði á undan. Fíkniefnabrotum fjölgaði þó miðað við áður nefnd mörk. Skráð voru um 24% fleiri fíkniefnabrot í september samanborið við meðalfjölda síðustu 12 mánuði á undan. Brot tengd akstri undir áhrifum ávana- og fíkniefna sem og ölvun við akstur fjölgaði einnig. Þá fjölgaði slysum í september miðað við ætluð mörk síðustu sex og síðustu 12 mánuði á undan. Skráð voru 45 umferðarslys í september en 33 í ágúst. Skráðum slysum hefur fjölgað um 19 prósent miðað við meðaltal síðustu 12 mánaða á undan.

unnar á höfuðborgarsvæðinu, en tilgangur þess var þó ekki að sekta ökumenn. Vilji lögreglunnar var að draga úr hraða þar sem ökumenn virða ekki leyfðan hámarkshraða og þannig fækka umferðarslysum, eins og þegar hefur verið nefnt. Sem fyrr kom stór hluti brota fram í hraðamyndavélum Vegagerðarinnar, sem staðsettar eru á höfuðborgarsvæðinu, eða rúmlega 7.000. Hefðbundið eftirlit lögreglunnar skilaði svo hátt í 18.000 hraðakstursbrotum til viðbótar, en þar átti myndavélabíll Lögreglunnar á höfuðborgarsvæðinu drjúgan hlut. Fleiri voru sömuleiðis teknir fyrir ölvunar- og fíkniefnaakstur í samanburði við árið 2015. Nálægt 1.000 voru teknir fyrir að aka undir áhrifum fíkniefna og fjölgaði um tæpa 200 frá árinu á undan. Sama átti við um ölvunarakstur, en næstum 850 ökumenn voru stöðvaðir af lögreglu af þeirri ástæðu, eða um 200 fleiri en árið 2015. Þetta var enn fremur þriðja árið í röð, sem fleiri voru teknir fyrir fíkniefnaakstur heldur en ölvunarakstur.

Réttindalausir ökumenn voru líka bókstaflega á hverju strái í umferðinni, en hátt í 900 sinnum stöðvaði lögreglan för ökuþrjóta, sem höfðu þegar verið sviptir ökuleyfi. Rúmlega 300 ökumenn, sem afskipti voru höfð af, reyndust aldrei hafa öðlast ökuréttindi. Margir hinna réttindalausis ökumanna kærðu sig kollótta og voru teknir við þessu iðju oftari en einu sinni á árinu. Fjölmargir ökumenn, eða meira en 500, voru staðnir að því að aka gegn rauðu ljósi, sem er stórhættulegt og eykur líkur á slysi. Sama gildir um þann ósið í akstri að tala í síma án handfrjális búnaðar, en það gerðu yfir 400 ökumenn og fengu líka sekt fyrir vikið. Best væri auðvitað að láta símann eiga sig í umferðinni, en það er önnur saga. Lagningar ökutækja voru oft á tíðum til vandræða, en stöðubrot í umdæminu voru um 4.500. Áfram þurfti líka að fjarlægja skráningarnúmer af ökutækjum vegna þess að þau voru ótryggð eða óskoðuð, en fjöldi þeirra mála var um 2.000.



15. ágúst

LÍKAMSÁRÁS OG RÁN – VITNI ÓSKAST

Lögreglan á höfuðborgarsvæðinu óskar eftir vitnum að líkamsárás og ráni sem átti sér stað á Klapparstíg í Reykjavík um kl. 1.30 aðfaranótt sunnudagsins 14. ágúst, en þar var ráðist á karl á þrítugsaldri og hann laminn og rændur. Polandinn var staddur neðarlega á Klapparstíg, á milli Hverfisgötu og Lindargötu, þegar á hann var ráðist, en tilkynning um málið barst lögreglu kl. 1.33 þessa sömu nótt. Upplýsingum má koma á framfæri í tölvupósti á netfangið marino.ingi@lrh.is eða í einkaskilaboðum á fésbókarsíðu Lögreglunnar á höfuðborgarsvæðinu og í síma lögreglunnar 444 1000.

lrh.is

BRUNAR OG ÍKVEIKJUR

Stórbruni varð í Reykjavík á mánudagskvöldi snemma í mars þegar eldur kviknaði í iðnaðarhúsnæði við Grettisgötu. Allt tiltækt lið lögreglu og slökkviliðs var strax kallað á vettvang, en mikinn reyk lagði yfir hverfið. Nærliggjandi íbúðir voru rýmdar, en svo mikill var reykurinn að eldvarnarkerfi lögreglustöðvarinnar á Hverfisgötu fór í gang vegna þessa. Fjölbreytt starfsemi var í húsinu, en þar var m.a. rekið bifreiðaverkstæði og líkamsræktarstöð. Óttast var að einhver kynni að hafa verið innandyra þegar eldurinn braust út, en í húsinu var enn fremur vinnuaðstaða listamanna. Aðstæður á vettvangi voru hins vegar þannig að ógjörningur var að ganga úr skugga um það. Þó varð fljótt vitað að tveir menn höfðu forðað sér af bifreiðaverkstæðinu þegar eldsins varð vart. Síðar kom á daginn að á þeim tímapunkti var húsið jafnframt mannlaut að öðru leyti.

Við rannsókn málsins beindust böndin fljótlega að tveimur öðrum mönnum, en til þeirra sást skömmu eftir að elds og reyks varð vart í húsinu. Að sögn vitna virtust mennirnir koma frá vettvangi og voru sagðir hafa verið með einhverja hluti í farteskinu. Lögreglunni tókst

5. september

ÖLVUNAR- OG FÍKNIEFNAKSTUR

Tuttugu og sjö ökumenn voru teknir fyrir ölvunar- og fíkniefnaakstur á höfuðborgarsvæðinu um helgina. Sextán þeirra voru stöðvaðir í Reykjavík, fjórir í Hafnarfirði og Garðabæ, tveir í Kópavogi og einn í Mosfellsbæ. Fjórir voru teknir á föstudagskvöld, níu á laugardag, þrettán á sunnudag og einn aðfaranótt mánudags. Þetta voru tuttugu og fjórir karlar á aldrinum 16-77 ára og þrjár konur, 26-42 ára. Fimm þessara ökumanna höfðu þegar verið sviptir ökuleyfi og fjórir hafa aldrei öðlast ökuréttindi.

lrh.is

að hafa uppi á þeim báðum, en svo fór að annar þeirra, karl á fertugsaldri, játaði að hafa kveikt í. Sá hafði dvalið í iðnaðarhúsnæðinu um tíma og kveikti þar eld í herbergi, sem hann hafði til umráða, þetta örlagaríka kvöld. Í stað þess að reyna að slökkva eldinn, eða tilkynna um hann, fór maðurinn af staðnum og skeytti í engu um afleiðingarnar. Tjónið var gríðarlegt, en húsið var ónýtt eftir. Bruna-vettvangurinn var girtur af, en ekki þótti óhætt að fara inn í húsið fyrr en sérfræðingar höfðu metið burðarþol þess. Ekki er hægt að skilja við málið án þess að minnst á vegfarendur sem komu á vettvang, en sumir þeirra virtu lokanir lögreglu að vettugi og trufluðu störf björgunaraðila. Slíkt er með öllu ólíðandi og raunar skammarlegt.

Lögreglan á höfuðborgarsvæðinu rannsakaði líka eldsuþptök eftir bruna í stóru iðnaðarhúsnæði í Kópavogi í maí, en þar var talið að um sjálfsíkveikju hafi verið að ræða. Tjónið var verulegt í öðrum enda hússins, en eldur kviknaði þar í plastkörum við innkeyrsludyr. Einn maður var í húsinu þegar eldurinn kom upp, en hann sakaði ekki. Brunar í heimahúsum voru líka allnokkrir, en litlu mátti muna að illa færi þegar barn fíktaði með eldfæri í íbúð fjölbýlishúss í Breiðholti. Greiðlega gekk að ráða niðurlögum eldsins og barnið,





29. janúar

STÖÐUBROT VIÐ EGILSHÖLL

Ábendingar hafa borist lögreglu um stöðubrot við Egilshöll. Ökutækjum er þá meðal annars lagt þannig að þau hindra för gangandi um gangstéttar. Þetta er bagalegt í ljósi þess fjölda sem þarna fer um daglega, barna þar á meðal sem þurfa að fara út á götu til að komast leiðar sinnar og skáskjóta sér milli bíla. Við þessu hefur lögregla brugðist með álagningu stöðubrotsgjalda sem eru 63 í þessum mánuði. Lögregla hvetur öikumenn sem fyrr til að leggja löglega og komast þannig hjá viðurlögum en ekki síður til að koma í veg fyrir slyss vegna ólöglegra og hættulegra stöðu ökutækja.

lrh.is

sem og aðrir íbúar í húsinu, slapp með skrekkin. Hætta skapaðist líka þegar eldur kom upp í annarri íbúð í hverfinu, en þar voru eldsupptök rakin til kannabísræktunar í húsinu. Vel gekk að slökkva eldinn, en íbúðin var mannlauð þegar hann kom upp. Því miður urðu önnur og hörmulegri málalok þegar bruni varð í fjölbýlishúsi við Kleppsveg í Reykjavík í febrúar. Þar lést karl á áttræðisaldri eftir að eldur kviknaði í íbúð hans árla morguns.

Síðla árs urðu miklar skemmdir á húsnæði í Hafnarfirði, en þar var húðflúrstofa nýtekin til starfa. Svo virtist sem rúða hafi verið brotin í glugga fyrirtækisins og sprengjeldi, eða tívolfbombu, hent þar inn. Við það varð eldur laus í húsnæðinu, en lögreglan leitaði tveggja manna í þágu rannsóknarinnar. Hinir sömu sáust fara frá vettvangi á bifhjóli og var lýst eftir þeim í fjölmiðlum. Rannsóknin var umfangsmikil, en Lögreglan á höfuðborgarsvæðinu handtók nokkra í þágu hennar og krafðist gæsluvarðhalds yfir fjórum þeirra. Héraðsdómur féllst á kröfu lögreglunnar, en Hæstiréttur komst síðan að annarri niðurstöðu og var fjórmenningunum sleppt úr haldi. Málið vakti töluverða athygli, en lögreglan framkvæmdi nokkrar húsleitir vegna þess. Getgátur voru uppi um að atvikið í Hafnarfirði tengdist samkeppni á þessum markaði, en málið var óupplýst.

30. september

ALDREI BORIST JAFN FÁAR TILKYNNINGAR UM INNBROT OG Í ÁGÚST

Afbrotatölfræði lögreglustjórans á höfuðborgarsvæðinu fyrir ágústmánuð 2016 hefur verið birt. Í skýrslunni eru teknar saman upplýsingar um helstu afbrot sem hafa verið tilkynnt til lögreglu. Fjallað er um þróunina á síðustu 13 mánuðum og tölur það sem af er ári bornar saman við sama tímabil síðustu þriggja ára. Í ágúst voru skráðar 626 tilkynningar um hegningarlagabrot á höfuðborgarsvæðinu, sem er fækkun á milli mánaða. Lögreglunni bárust 282 tilkynningar um þjófnaði sem gerir um 45 prósent allra tilkynntra hegningarlagabrota í ágúst. eru það aðeins færri tilkynningar en bárust síðustu þrjú mánuði á undan. Tilkynnt var um 47 innbrot í ágúst og hefur lögreglunni á höfuðborgarsvæðinu ekki borist jafn fáar tilkynningar í einum mánuði frá því að samræmdar skráningar brota hófust hjá lögreglu árið 1999. Tilkynntum kynferðisbrotum fækkað töluvert á milli mánaða. Tilkynnt var um sex kynferðisbrot sem áttu sér stað í ágústmánuði, sem eru um fimm sinnum færri brot en í júlí.

lrh.is

SKOTÁRÁS Í BREIÐHOLTI

Eitt af eftirminnilegustu málum ársins var vafalítið skotárásin í Breiðholti í byrjun ágúst. Fátítt er að borgarar gangi um vopnaðir byssum og hótí öðru fólki, hvað þá að við það sé staðið og skotum hleypt af. Það var engu að síður staðreynd í þessu tilviki og var íbúum í Breiðholti, og raunar landsmönnum öllum, mjög brugðið. Þetta var nánar tiltekið á bifreiðastæði við söluturn í Fellahverfinu á föstudagskvöldi þegar margir voru búnir að gera grillmatnum góð skil og helgin lofaði góðu. Rétt fyrir klukkan níu tókust að berast tilkynningar um skothvelli í Breiðholti og voru þær allar á sömu leið. Með fylgdu lýsingar um gerendur og að átök hefðu átt sér stað. Ein tilkynningin var frá móður, sem sagði barn sitt hafa verið úti við og séð menn með byssu við hverfissjoppuna. Flestum bar saman um að skothvellirnir hefðu verið fleiri en einn og var viðbúnaður lögreglu í samræmi við það. Lögreglan á höfuðborgarsvæðinu og sérsveit ríkislögreglustjóra héldu þegar á vettvang og var lokað fyrir alla umferð um svæðið. Almennir lögreglumenn vopnuðust og fólk var beðið um að vera ekki á ferli í hverfinu á meðan aðgerðir lögreglu stæðu yfir.

Árásarmennirnir voru á bak og burt þegar lögreglumenn flyktust á vettvang og ekkert sást heldur til þeirra sem fyrir árásinni höfðu orðið. Málavextir voru enn um margt óljósir og ekki vitað hvort einhver hafði orðið fyrir byssuskoti. Mikil leit upphófst strax að árásarmönnum, en grunur beindist fljótt að tveimur mönnum, bræðrum á þrítugsaldri. Annar þeirra var handtekinn í öðru hverfi borgarinnar nokkrum klukkutímum seinna, en með honum var kona á þrítugsaldri og var hún sömuleiðis færð í fangageymslu. Ætlað skotvopn fannst í ruslakompu í Fellahverfi morguninn eftir, en nokkur tími leið þar til hinn bróðirinn var handtekinn annars staðar í borginni. Í millitíðinni, eða um hádegisbil daginn eftir



20. janúar

KANNABISRÆKTANIR – 75 PLÖNTUR HALDLAGÐAR

Lögreglan á höfuðborgarsvæðinu stöðvaði kannabisræktun á tveimur stöðum í Hafnarfirði í dag. Lagt var hald á samtals um 75 kannabisplöntur á ýmsum stigum ræktunar. Karl á þrítugsaldri játaði aðild í öðru málinu og karl á fertugsaldri í hinu, en málin tengjast ekki. Í báðum tilvikum var um að ræða kannabisræktun í heimahúsi.

Lögreglan minnir á fíkniefnasímann 800-5005. Í hann má hringja nafnlaust til að koma á framfæri upplýsingum um fíkniefnamál. Fíkniefnasíminn er samvinnuverkefni lögreglu og tollyfirvalda og er liður í baráttunni við fíkniefnavandann.

lrh.is

skotárásina, fannst rauður fólksbíll í Breiðholti. Hann var dældaður, fór eftir högl sjáanleg og rúða brotin, en sýnt þótti að billinn hefði komið við sögu í málinu kvöldið áður.

Rannsókn málsins leiddi fljótt í ljós að skotárásin í Fellahverfi tengdist deilum innan þröngs hóps og beindist ekki að almenningi. Svo virðist sem bræðurnir hafi átt eitthvað sökótt við ökumann bílsins, karl á þrítugsaldri, en annar þeirra beindi afsagaðri haglabyssu að honum og hleypti af þar sem maðurinn stóð á bifreiðastæði. Hinn bróðurinn greip til byssunnar og hleypti af þegar maðurinn var kominn í ökumannssætið, en skotið hæfði hurð og hliðarrúðu bílsins að framan hægra megin. Þar sat 17 ára stúlka og fékk hún glerbrot yfir sig og hlaut af því minni háttar skurði. Árásin var ófyrirleitin og stofnaði lífi fólks í mikla hættu, en fjöldi vegfarenda átti þarna leið um. Bræðurnir, sem höfðu áður komið við sögu hjá lögreglu, voru úrskurðaðir í gæsluvarðhald á grundvelli almanna-hagsmuna og voru í lengi haldi vegna alvarleika málsins. Rétt er að undirstrika að mál sem þessi eru sem betur fer mjög fátíð á Íslandi.

29. júlí

FÍKNIEFNAMÁL Í HAFNARFIRÐI

Lögreglan á höfuðborgarsvæðinu stöðvaði tvær kannabisræktanir í Hafnarfirði í vikunni og lagði hald á samtals um 300 kannabisplöntur. Önnur ræktunin var í íbúðarhúsi í bænum, en hin í iðnaðarhúsnæði og voru þær nokkuð umfangsmiklar eins og að framan greinir. Lagt var hald á töluvert af búnaði sem tengdist starfseminni á báðum stöðunum. Einn var handtekinn í tengslum við rannsóknina á kannabisræktuninni í iðnaðarhúsnæðinu og játaði viðkomandi sök, en rannsókn málsins er langt komin. Skýrslutökum í hínu málinu er hins vegar ólokið, en þar var kannabisræktun í tveimur herbergjum hússins. Þessu til viðbótar

MÓABARÐSMÁLIÐ

Í febrúar lýsti Lögreglan á höfuðborgarsvæðinu eftir fölleitum karlmanni um 180 sm á hæð, dökkklæddum með svarta húfu og svarta hanska, en hans var leitað í tengslum við líkamsrás í heimahúsi í Móabarði í Hafnarfirði. Það var á mánudagsmorgni um miðjan mánuðinn, sem lögreglu barst tilkynning um að ráðist hefði verið inn á heimili konu á fertugsaldri og henni unnið mein. Lögreglan fór strax á vettvang, en þá var árásarmaðurinn hvergi sjáanlegur. Konan, sem var eðlilega í uppnámi, var flutt á sjúkrahús til aðhlynningar, en hún var með áverka í andliti og á höndum. Konan gat gefið stutta lýsingu á árásarmanninum og var lýst eftir honum í öllum fjölmiðlum, en lögreglan hafði fát annað í höndunum.

Málið var strax sett í algjöran forgang hjá embættinu, en rannsókn á vettvangi skilaði litlu. Aðrir íbúar í húsinu, eða nágrenni þess, höfðu ekki orðið varir við mannaferðir, sem gætu tengst málinu. Kannað var með upptökur úr öryggismyndavélum á svæðinu, en





handtók lögreglan sölumann fíkniefna í Hafnarfirði, en við húslleit á heimili hans í bænum var lagt hald á kannabisefni og e-töflur. Þar var einnig að finna fjármuni, sem grunur leikur á að séu tilkomnir vegna fíkniefnasölu. Fyrirnefndar aðgerðir eru liður í að hamlu gegn sölu, dreifingu og framleiðslu fíkniefna, en lögreglan minnr á fíkniefnasímann 800 5005. Í hann má hringja nafnlaust til að koma á framfæri upplýsingum um fíkniefnamál. Fíkniefnasíminn er samvinnuverkefni lögreglu og tollyfirvalda og er liður í baráttunni við fíkniefnavandann.

lrh.is

það bar ekki heldur árangur. Tími lögreglu fór jafnframt í að reyna að róa aðra íbúa í hverfinu, en þeir voru slegnir óhug og raunar bæjarbúar flestir. Rannsókn málsins var áfram í fullum gangi þegar, tæpri viku síðar, barst önnur tilkynning um að ráðist hefði verið á konuna á heimili hennar. Lögreglan brást skjótt við, en í framhaldinu var konunni og fjölskyldu hennar komið fyrir á öruggum stað. Margar ábendingar bárust í málinu, en þær leiddu því miður ekki til neins. Þrátt fyrir miklar raunir var konan, sem fyrir þessu varð, ekki alvarlega slösuð.



29. nóvember

UMFERÐAREFTIRLIT – 1500 ÖKUMENN STÖÐVAÐIR

Fimmtán hundruð ökumenn voru stöðvaðir á höfuðborgarsvæðinu um helgina í sérstöku umferðareftirliti sem lögreglan heldur nú úti í umdæminu. Fimm ökumenn reyndust ölvaðir og eiga þeir ökuleyfissviptingu yfir höfði sér. Premur til viðbótar var gert að hætta akstri sökum þess að þeir höfðu neytt áfengis en voru þó undir refsimörkum.

Markmiðið með ofangreindu átaki er að vekja athygli á þeirri hættu sem stafar af ölvunar- og fíkniefnaakstri og hvetja fólk til almennrar varkárni í umferðinni. Minnt er á viðvunarorðin Eftir einn ei aki neinn en þau eiga alltaf við. Átakið nær að sjálfsögðu einnig til aksturs undir áhrifum lyfja en afleiðingar þess geta sömuleiðis verið skelfilegar.

lrh.is

MENNINGARNÓTT

Fjöldmenni var í miðborg Reykjavíkur þegar Menningarnótt var haldin laugardaginn 20. ágúst. Að venju var Lögreglan á höfuðborgarsvæðinu með talsverðan viðbúnað, enda dagurinn yfirleitt einn sá annasamasti hjá lögreglunni. Svo var líka þetta árið, en dagskrá Menningarnætur var með hefðbundnum sniði og hófst fjörið með Reykjavíkumaraþoni um morguninn. Keppt var í nokkrum vegalengdum, en einhverjir hlauparar lentu í vandræðum og höfðu kannski sett markið of hátt. Kalla þurfti til sjúkrabíl vegna þessa, en hinir sömu voru færðir undir læknishendur. Fram eftir degi voru flest verkefni lögreglu tengd umferðinni, en hún gekk hægt á köflum og stíflaðist nánast á Gömlu-Hringbraut og Vatnsmýrarvegi þegar þátttakendur í Reykjavíkumaraþoni voru á heimleið um hádegisbilið. Lögreglan fór hins vegar strax í málið og greiddi fyrir umferð á þessum stöðum eins og hægt var.

Þrátt fyrir mjög vel auglýstar lokanir tiltekinna gatna í miðborginni, virtu margir ökumenn þær að vettugi. Óþolinmóðir ökumenn færðu til lokunarmerki á sumum stöðum og héldu síðan ferð sinni áfram eins og ekkert væri. Allt þetta kostaði lögregluna og borgarstarfsmenn mikla vinnu, sem fyrrnefndir ökumenn skeyttu væntanlega ekkert um. Víða var lagt ólöglega og nýting á bílastæðum hefði getað verið betri á köflum. Þrátt fyrir þetta var lögreglan samt nokkuð ánægð með hvernig til tókst. Langflestir voru auðvitað til





5. desember

FRELSISSVIPTING – RANNSÓKN MIÐAR VEL

Nokkrir hafa verið yfirheyrðir í þágu rannsóknar Lögreglunnar á höfuðborgarsvæðinu á frelsissviptingu í austurborginni fyrir helgina, en grunur leikur á að karli um þrítugt hafi verið haldið fongnum í íbúð í fjölbýlishúsi. Maðurinn losnaði úr prisundinni þegar honum tókst að komast út á svalir og þaðan yfir í aðra íbúð.

Tveir karlar voru handteknir nærri vettvangi, en þeir reyndust ekki viðriðin málið og var sleppt fljótlega. Síðar voru húsráðendur umræddrar íbúðar, karl og kona, handteknir en þeim var sömuleiðis sleppt úr haldi lögreglu eftir yfirheyrslur.

Rannsókn málsins miðar vel, en þess má geta að áverkar brotþola reyndust mun minni en óttast var í fyrstu.

lrh.is

fyrirmyndar í umferðinni, en svörtu sauðirnir voru samir við sig. Athygli vakti að stöðubrot á Menningarnótt voru 300, en það telst í minna lagi. Að lokinni flugeldasýningu um kvöldið héldu flestir til síns heima, en umferðin úr miðborginni og nágrenni hennar gekk ágætlega.

Pegar líða tók á Menningarnótt fór að bera meira á ölvun og þurfti lögreglan að hafa afskipti af mörgum í miður góðu ástandi. Tilkynnt var um 10 líkamsárásir, flestar minni háttar. Sú alvarlegasta átti sér stað í verslunarmiðstöð í úthverfi borgarinnar um miðjan dag, en þar var ráðist á karl á sjötugsaldri. Hann var illa útleikinn eftir barsmiðarnar og þurfti að gangast undir aðgerð vegna árásarinnar. Ölvunar- og fíkniefnaakstrar voru ekki fleiri en lögreglan átti að venjast um venjulega helgi, en 10 voru handteknir fyrir þær sakir á Menningarnótt. Einn þeirra reyndi að komast undan lögreglu, en ók á kantstein sem varð til þess að bifreið hans stöðvaðist. Þá hljóp ökumaðurinn á bak við gróður við vettvanginn og reyndi að fela sig, en lögreglumenn sáu við honum. Maðurinn, sem hafði þegar verið sviptur ökuleyfi, var á stolnum bíl. Eitt kynferðisbrot var tilkynnt til Lögreglunnar á höfuðborgarsvæðinu á Menningarnótt.



10. júní

AUKIÐ EFTIRLIT LÖGREGLU Í MIÐBORGinni

Ríkislögreglustjóri og lögreglustjórnin á höfuðborgarsvæðinu hafa gert með sér samkomulag um auknið sýnilegt eftirlit lögreglu í miðborginni í sumar. Samskonar samkomulag var gert í fyrrasumar og var það mat allra sem að verkefninu komu að eftirlitið hefði skilað tilsettum árangri. Markmið verkefnisins er að bregðast við auknum straumi ferðamanna í miðborginni, auka öryggi almennings í miðborginni, tryggja betra aðgengi að lögreglu, skemmir viðbragðstíma lögreglu og bættu þjónustu við borgarana. Auk þess að tryggja betur öryggi lögreglumanna í miðborginni, þá sér í lagi að næturlagi um helgar. Það hefur sýnt sig að hátt í

ÓVENJULEG VERKEFNI

Hælisleitendur komu nokkuð við sögu hjá Lögreglunni á höfuðborgarsvæðinu árið 2016, en hún var kölluð út á dvalarstað þeirra á Kjalarnesi oftár en einu sinni. Eitt slíkt útkall kom upp snemma árs, en þá hótaði hælisleitandi að kveikja í sér vegna óánægju með afgreiðslu mála hans hjá yfirvöldum. Ekki kom þó til þess, en maðurinn var færður af staðnum og komið fyrir annars staðar. Í árslok var lögreglan aftur kölluð að húsnaði Útlendingastofnunar á Kjalarnesi, en þá hótaði hælisleitandi að skaða sjálfan sig. Ekki kom þó til þess, en áður en dagurinn var úti var beðið um aðstoð lögreglu eina ferðina enn. Þá hafði annar hælisleitandi hellt yfir sig bensíni og kveikt í. Skelfingarástand ríkti á vettvang, en fjölmargir urðu vitni að þessum hörmulega atburði. Hælisleitandinn, karl á þrítugsaldri, var fluttur mikið brunninn á sjúkrahús og lést þar af sárum sínum.

Svokallaðar fótboltaþullur hafa verið lítt þekktar á knattspyrnuleikjum á Íslandi, en slíka óeirðaseggi mátti þó finna í hópi stuðningsmanna finnska landsliðsins, sem komu hingað í október. Tilfnið var leikur þjóðanna í undankeppni HM, en viðureignin var dramatísk í meira

helmingur allra ofbeldisbrota á höfuðborgarsvæðinu eiga sér stað þar á þeim tíma. Skipulag verkefnisins er tvíþætt. Annars vegar að auka sýnilegt eftirlit lögreglu í miðri viku með því að hafa fasta varðpósta alla virka daga í miðborginni. Ríkislögreglustjóri og lögreglustjórinn á höfuðborgarsvæðinu skipta með sér að manna þessa varðpósta með lögreglumönnum eftir sérstöku skipulagi. Eftirlitið fer þannig fram að lögreglumenn eru sýnilegir í miðborginni, hvort sem er með því að leggja lögreglubifreið á áberandi stað eða við göngu- eða hjólaeftirlit. Einnig er aukið eftirlit frá klukkan 02.00 til 05.00 um helgar (aðfaranótt laugardags og sunnudags) og almenna frídaga. Á því tímabili er markmiðið að hafa tvo lögreglubíla á miðborgarsvæðinu og mun fjarskiptamiðstöð ríkislögreglustjóra stjórna því að svo verði.

lrh.is

lagi. Gestirnir höfðu forystu í hálfleik, en tvö mörk okkar manna seint í leiknum sneru taflinu við. Úrslitamarkið kom í lok uppbótartíma og var umdeilt í meira lagi, en dómariinn dæmdi það gott og gilt. Það fór mjög illa í frændur okkar frá Finnlandi og máttu litla muna að upp úr syði. Einn þeirra gerði tilraun til að fara inn á völlinn og annar braut stól í áhorfendastæðinu í bræðiskasti. Báðir voru handteknir og færðir á lögreglustöð, en mennirnir voru ölvæðir.

Nytjastuldur er ekki nýr af nálinni, en árlega rannsakar Lögreglan á höfuðborgarsvæðinu fjölda slíkra mála (ökutæki stolið). Það er hins vegar óvenjulegt að bílþjófur láti til skarar skríða ef einhver er í bílnum. Sú var þó raunin í Kópavogi í ágúst þegar karl á þrítugsaldri stal bíl við leikskóla í bænum. Bíllinn var í gangi og lítið, sofandi barn innanborðs þegar þetta gerðist, en lögreglan hóf víðtæka leit um leið og tilkynnt var um málið. Þyrla Landhelgisgæslunnar var einnig kölluð til aðstoðar, en bíllinn fannst tæplega hálf tíma síðar í öðru hverfi bæjarins. Ekki er talið að barnið hafi hlotið skaða af, en biðin á meðan leitinni stóð var foreldrunum erfið. Bílþjófurinn var handtekinn, en hann hafði áður verið staðinn að nytjastuldi.

Um mitt sumar var lögreglumönnum í tveimur ökutækjum Lögreglunnar á höfuðborgarsvæðinu veitt heimild til að grípa til vopna eftir að tilkynning barst um mann vopnaðan afsagaðri haglabyssu við Kringluna. Skömmu síðar barst önnur tilkynning, en þá var maðurinn kominn á Grensásveg og var sagður hafa skotið úr byssunni á bæði bíl og hús við götuna. Sérsvéitin var vitaskuld einnig kölluð til og handtók hún manninn, en á öðrum stað í borginni eftir að leitin beindist þangað. Þar fannst sömuleiðis haglabýssa, en við rannsókn lögreglu benti ekkert til þess að hleypt hafi verið af byssunni.

27. október

LÖGREGLUAÐGERÐ Í BRYGGJUHVVERFI

Fjölmennt lið lögreglu leitaði að karlmanni í Bryggjuhverfinu í Reykjavík í gærkvöld, eftir að íbúi þar tilkynnti um alvarlegar hótanir sem honum höfðu borist símleiðis auk þess sem tilkynning barst skömmu síðar um mann í hverfinu vopnaðan hnífi. Tilkynningarnar voru metnar alvarlegar og viðbúnaður lögreglu í samræmi við það. Fólust aðgerðir meðal annars í því að lokað var tímabundið fyrir umferð á svæðinu meðan leit stóð yfir. Sérsveit ríkislögreglustjóra var enn fremur kölluð á vettvang. Aðgerð lögreglu stóð yfir í ríflega þrjár stundir og lauk með handtöku á manni á þrítugsaldri, en sá tilkynnti upphaflega um mann með hníf. Tilkynnandinn var óvopnaður. Hættuástandi var aflétt rétt ríflega eitt í gærkvöldi. Hinn handtekni bíður yfirheyrslu.

lrh.is

LÖGREGLAN OG SAMFÉLAGSMIÐLAR

Lögreglan á höfuðborgarsvæðinu þarf að vera í takt við tímann og það er ekki síst ástæða þess að hún heldur úti samfélagsmiðlum. Á upplýsingaöld er nauðsynlegt að geta komið áriðandi skilaboðum fljótt til skila og þar hafa samfélagsmiðlarnir ótvírætt sannað mátt sinn. Fésbókarsíða embættisins er löngu þekkt á meðal þjóðarinnar, en hátt í 80.000 manns hafa gerst vinir lögreglunnar á þeim vettvangi. Margvíslegum skilaboðum og ábendingum var komið þar á framfæri árið 2016 og stundum lá mikið við. Málin voru af ýmsu tagi, t.d. leit að týndu fólki eða kallað var eftir upplýsingum í tengslum við rannsóknir lögreglu á brotum í umdæminu. Oft gafst þetta vel, en ætla má að einhver mál væru enn óupplýst ef ekki hefðu komið til ábendingar í gegnum fésbókarsíðuna. Stundum var líka um að ræða upplýsingar um hugsanleg brot, en þá var það lögreglunnar að meta þær og bregðast við. Oftar en ekki skiluðu ábendingar borgaranna miklu og komu lögreglunni á sporið þegar svo bar undir. Í upphafi voru nokkrar efasemdir um ágæti þess að lögreglan léti til sín taka á samfélagsmiðlum, en þær raddir eru löngu þagnaðar.

Samfélagsmiðlar lögreglu gegna líka mikilvægu hlutverki þegar þjónusta við borgarana er annars vegar. Þetta er nefnt hér því margir kjósa að koma erindum sínum á framfæri við lögreglu á þann hátt. Þeir sem nýttu sér þetta voru jafnframt mun ánægðari með þjónustu Lögreglunnar á höfuðborgarsvæðinu heldur en þeir sem sendu henni tölvupóst eða hringdu á lögreglustöð. Meira en 90% þeirra sem höfðu samband við lögregluna í gegnum samfélagsmiðla voru ánægðir með þá þjónustu eða aðstoð sem veitt var. Öllu minni ánægja var með þjónustuna hjá þeim sem nýttu hina kostina til að hafa samband, þ.e. tölvupóst og síma, en Lögreglan á höfuðborgarsvæðinu vill auðvitað hafa alla þessa samskiptabætti í góðu lagi og að því var unnið. Þess ber þó að



25. október

RÚTUSLYS Á ÞINGVALLAVEGI

Rúta með erlenda ferðamenn hafnaði utan vegar við Þingvallaveg, nálægt Skálafellsafleggjaranum, á ellefta tímanum í morgun. Talið er að um 40 farþegar hafi verið um borð í rútnni, auk ökumanns og leiðsögumanns. Fjölmennt lið björgunaraðila hélt þegar á vettvang, en strax var ljóst að um alvarlegt slys var að ræða. Slasaðir voru fluttir á Landspítalann, en jafnframt var fjöldahjálparstöð Rauða krossins í Mosfellsbæ virkjuð. Aðgerðir á vettvangi standa enn yfir og Þingvallavegur er áfram lokaður.

Lögreglan ítrekar að þeir sem kunna að hafa tekið upp farþega á svæðinu láti vita tafarlaust um slíkt í síma 112. Mjög áriðandi eru þessar upplýsingar komi strax fram svo hægt sé að tryggja að allir sem voru um borð í rútnni séu komnir í leitirnar. Leiðsögumaður og ökumaður rútnnar eru íslenskir, en meirihluti farþeganna kínverskir.

geta að hlutfall þeirra sem voru ánægðir með þjónustuna, eftir að hafa sent embættinu tölvupóst, jókst töluvert á milli ára, eða úr tæplega 50% í 74%.

Samskipti við borgarana á samfélagsmiðlum Lögreglunnar á höfuðborgarsvæðinu fóru að stórum hluta í gegnum einkaskilaboð á fésbókarsíðu embættisins. Að jafnaði bárust um 1.200 skilaboð með þeim hætti í hverjum mánuði, en lögð var mikil áhersla á að svara þeim öllum. Mjög mörgum var svarað samdægurs, en stundum tók nokkra daga að svara ef fyrirspurnin var þess eðlis. Lögreglan á höfuðborgarsvæðinu er líka á Instagram og fylgjast um 166.000 manns með henni þar. Margir fylgjendanna eru búsettir erlendis, en ekki er alveg vitað hvað veldur þessum mikla áhuga útlendinga á íslensku lögreglunni. Líklega eru það myndirnar, sem lögreglumennirnir birta á Instagram, en þær eru iðulega jákvæðar og á léttum nótum. Ekki má heldur gleyma Twitter, sem er enn einn samfélagsmiðillinn sem lögreglan hefur tekið í sína þjónustu, en árlegt tíst-marabon hennar vekur jafnan nokkra athygli. Þetta árið tóku þátt með Lögreglunni á höfuðborgarsvæðinu lögregluliðin á Norðurlandi eystra og Suðurnesjum.

26. ágúst

ÞJÓFNAÐIR Á VESPUM

Lögreglan á höfuðborgarsvæðinu rannsakar nú þjófnaði á bensín- og rafmagnsvespum, en fjórum slíkum var stolið í Kópavogi í gær. Einni var stolið af lóð Kárnesskóla um tíuleytið í gærmorgun og annarri utan við Menntaskólann í Kópavogi á tímabilinu frá kl. 8.15 – 10.20. Báðum vespunum var læst með keðju sem þjófurinn, eða þjófarnir, klippti í sundur. Jafnframt var klippt á keðju á annarri vespu við Kársnesskóla, en vespan var ekki tekin. Síðdegis var svo tveimur öðrum vespum stolið utan við íþróttahúsið í Digranesi, en önnur þeirra var læst við staur sem þar er. Þetta mun hafa gerst á tímabilinu frá kl. 16.30 – 19.30. Lögreglan biður þá sem geta varpað ljósi á þjófnaðina að hafa samband, en upplýsingum má koma á framfæri í tölvupósti á netfangið gunnarh@lrh.is í einkaskilaboðum á fésbókarsíðu embættisins eða í síma lögreglunnar 444 1000.

lrh.is

VIÐHORFSKÖNNUN

Um langt skeið hefur Lögreglan á höfuðborgarsvæðinu látið kanna viðhorf íbúa í umdæminu til lögreglu, ótta þeirra við afbrot og reynslu af þeim. Gagnaöflun fer jafnan fram í byrjun sumars, en framkvæmdin þetta árið var í höndum Gallup. Stuðst var við netpanel og voru spurningarnar sendar rafrænt og svörin móttækin með sama hætti. Í könnuninni var notast við 2.000 manna tilviljunarúrtak fólks 18 ára og eldra af höfuðborgarsvæðinu. Fjöldi svarenda var 1.372 manns og svarhlutfallið því 68,6%, sem má teljast gott. Niðurstöðurnar voru áhugaverðar og ástæða til að nefna að mikill meirihluti höfuðborgarbúa, eða 91%, telur sig örugga í eigin hverfi þegar myrkur er skolið á. Það má því segja að ágætlega hafi tekist að viðhalda öryggi og öryggistilfinningu þeirra sem búa, starfa og dvelja í umdæminu, en það er grundvallarmarkmið Lögreglunnar á höfuðborgarsvæðinu.

Langflestir íbúanna, eða 87%, töldu lögreglu enn fremur skila mjög eða frekar góðu starfi við að stemma stigu við afbrotum. Svipað hlutfall höfuðborgarbúa bar jafnframt traust til lögreglu og starfa hennar. Töluverð ánægja var sömuleiðis með þá þjónustu eða aðstoð, sem fengin var hjá Lögreglunni á höfuðborgarsvæðinu, en 84% svarenda voru þeirrar skoðunar. Ánægjan var áberandi mest hjá þeim sem nýttu samfélagsmiðla embættisins, eða 92%. Ekki geta þó allar niðurstöður könnunarinnar talist jákvæðar, en athygli vakti að þeir sem voru öruggir í eigin hverfi þegar myrkur er skolið á voru það ekki þegar spurningin sneri að miðborginni. Við þær kringumstæður taldi minnihluta svarenda, eða 47%, sig örugga. Þá upplifði helmingur höfuðborgarbúa aðstæður einhvern tíma þannig að þeir höfðu áhyggjur af því að verða fyrir broti. Algengast var að fólk hefði áhyggjur af því að verða fyrir innbroti, en þegar niðurstöðurnar voru skoðaðar nánar hafði yngsti hópurinn, 18 – 25 ára, helst áhyggjur af því að verða fyrir kynferðisbroti.



23. nóvember

FALSAÐIR

PENINGASEÐLAR

Falsaðir 10000 krónu seðlar voru notaðir til að greiða fyrir veitingar á matsölustað í miðborginni í síðustu viku, en málið er til rannsóknar hjá Lögreglunni á höfuðborgarsvæðinu. Fyrr í mánuðinum kom annað slíkt mál á borð lögreglu, en þá var karl handtekinn eftir að hafa ætlað að greiða fyrir viðskipti á bensínstöð í austurborginni með fölsuðum 10000 króna seðli. Þar leiddi árverkni starfsmanns til handtökunnar. Lögreglan beinir þeim tilmælum til afgreiðslufólks að vera á varðbergi vegna þessa og hvetur jafnframt til þess að þeir sem eru í afgreiðslustörfum kynni sér helstu öryggisþætti íslenskra peningaseðla á heimasíðu Seðlabanka Íslands, en með þær upplýsingar að leiðarljósi á að vera auðvelt að greina á milli falsaðra og ófalsaðra peningaseðla. Ef fólk verður vart við falsaðan seðil skal kalla til lögreglu í gegnum 112.

lrh.is

EITT OG ANNAÐ

Andrúmsloftið í íslensku samfélagi var þrungið spennu mánudaginn 4. apríl, en þá var boðað til mótmæla á Austurvelli. Mótmæli voru engin nýlunda og lögreglan var vel undirbúin eins og jafnan áður. Að þessu sinni skynjaði lögreglan þó að ólگان og reiðin hjá landsmönnum var óvenju mikil, en kvöldinu áður hafði Ríkissjónvarpið fjallað um fjármál forsætisráðherra og tengsl hans við félagið Wintris í sérstökum þætti. Enda fór svo að þúsundir manna mættu á Austurvöll til að láta óánægju sína í ljós og krefjast afsagnar forsætisráðherra. Lögreglan áætlað að 10.000 mótmælendur hafi verið inni á Austurvelli og fleiri þúsundir til viðbótar allt í kring í miðbænum. Mannhafið var gríðarlegt hvað sem öðru líður, en fjölmargir lögreglumenn voru á vakt þennan eftirminnilega dag. Eins og oft áður var eggjum og ávöxtum kastað í þinghúsið og lögregluna, en engum varð meint af. Tveir mótmælendur voru handteknir á Austurvelli og þótti ekki mikið, en töluverður hiti var í fólki.

Sérstakt mansalsteymi tók til starfa hjá Lögreglunni á höfuðborgarsvæðinu í apríl og ekki skorti verkefni. Óhætt er að tala um vitundarvakningu almennings í málaflokknum, en tilkynningum um ætlað mansal hefur fjölgað mjög. Flest málanna sneru að grunsemdum um nauðungarvinnu, en embættið rannsakaði einnig mál sem sneru að vændi og kynferðislegri hagnýtingu. Lögreglan á höfuðborgarsvæðinu átti gott samstarf við erlenda starfsbræður þessu tengdu og tók þátt í aðgerðardegi Europol á haustmánuðum. Um var að ræða alþjóðlegar lögregluaðgerðir samtímis í fjölmörgum löndum og voru tugir manna handteknir í tengslum við mansalrannsóknir, en tvö málanna komu upp hérlendis.

Miklar framkvæmdir stóðu yfir á lögreglustöðinni á Hverfisgötu í Reykjavík árið 2016. Óhætt er að segja að lögreglustöðin hafi fengið andlitslyftingu og var kominn tími til. Hálf öld var liðin frá því að lögreglan í Reykjavík flutti fyrst í húsið og endurnýjun því

15. mars

BRUNI VIÐ GRETTISGÖTU Í REYKJAVÍK – JÁTNING

Karl á fertugsaldri hefur játað að hafa kveikt í iðnaðarhúsnæði við Grettisgötu 87 í Reykjavík mánudagskvöldið 7. mars. Maðurinn, sem hefur glímt við andleg veikindi, dvelur nú á viðeigandi stofnun. Lögreglan handtók einnig annan mann í þágu málsins, en sá var sömuleiðis á vettvangi þegar eldurinn kom upp. Rannsókn lögreglu leiddi hins vegar í ljós að síðarnefndi maðurinn kveikti ekki eldinn. Tilkynning um eldinn barst kl. 20.14 og stóð slökkvistarfið fram á nótt. Húsið er mjög illa farið eftir brunann.

lrh.is

aðkallandi. Þetta árið var skipt um ytra byrði, þ.m.t. glugga, á bæði suður- og norðurhlíð hærri byggingarinnar. Útlit hússins tók nokkrum breytingum við þetta og líkaði flestum vel. Framkvæmdirnar tóku nokkuð á starfsmenn lögreglunnar, en þeir máttu búa við borhljóð og hamarshögg stóran hluta ársins. Áfram var rætt um bæði byggingu nýrrar lögreglustöðvar og flutning höfuðstöðvanna innan umdæmisins, en ekkert var ákveðið í þeim efnum frekar en fyrri daginn.

Flugslysæfing var haldin á Reykjavíkflugvelli í byrjun október, en við það tækifæri var tekin í notkun ný aðgerðastjórnstöð höfuðborgarsvæðisins í Skógarhlíð. Æfingin heppnaðist einstaklega vel, en auk Lögreglunnar á höfuðborgarsvæðinu og almanna-varnardeildar ríkislögreglustjóra tóku þátt Slökkvilið höfuðborgarsvæðisins, Neyðarlínan, Slysavarnarfélagið Landsbjörg, Landspítalinn, Rauði krossinn og Isavia. Um þremur vikum seinna varð rútuslys á Þingvallavegi, en um borð voru 40 erlendir ferðamenn, auk bílstjóra og leiðsögumanns. Aðgerðastjórnstöð höfuðborgarsvæðisins var þá virkuð og gekk samstarfið vel, en það var ekki síst að þakka sameiginlegri æfingu viðbragðsaðilanna fyrr í mánuðinum.

Fjölgun ferðamanna á Íslandi á sér ýmsar hliðar, en ein þeirra snýr að svikum og prettum. Margir þeirra sem hingað koma panta sér gistingu á Netinu í gegnum Airbnb, en þar er ekki alltaf allt sem sýnist. Einhverjir óprúttnir, erlendir aðilar leigðu t.d. út íbúðir á höfuðborgarsvæðinu sem þeir annað hvort áttu ekki, eða voru hreinlega ekki til. Gjarnan hljómuðu tilboð þessara svikahrappa of góð til að vera sönn og það var einmitt raunin. Ferðamaðurinn, eða leigutakinn í þessum tilvikum, komst iðulega að hinu sanna eftir að hafa greitt fyrir íbúðina og þá var ekki hlaupið að því að endurheimta peningana.



30. nóvember

ERTU VEL UPPLÝST/UR?

Undanfarið hefur verið mikið kvartað undan ljóslausum ökutækjum, en því miður virðast sumir nýlegir bílar aðeins ræsa stöðuljós að framan en eru þá ljóslausir að aftan. Þetta þýðir að ökumenn þurfa sjálfir að ræsa ljósin, enda er skylda að vera með ljósin kveikt í umferðinni á Íslandi. Því miður virðast margir ekki átta sig á þessu og aka um, ljóslaus að aftan, en eru ill sýnilegir öðrum vegfarendum.

Lögreglan hefur reynt að minna á þetta atriði en lítið hefur batnað og því má búast við að lögreglan sinni sérstöku eftirliti með þessum atriðum yfir dimmustu mánuðina. Við hvetjum því ökumenn til að gæta að sínum ökutækjum, að þau séu vel upplýst og forðast þannig óhöpp, tafir og jafnvel sektir.

lrh.is

HATURSGLÆPIR

Rannsóknir hatursglæpa hjá Lögreglunni á höfuðborgarsvæðinu eru til vitnis um breytt samfélag. Innflytjendum hefur fjölgað mikið og þótt sambúðin gangi vel alla jafnan er full ástæða til að vera á varðbergi. Sífellt fleiri sækja enn fremur um hæli hér á landi, en hinir sömu mæta alls konar viðhorfum. Af þessum ástæðum, m.a., var komið á fót þróunarverkefni hjá embættinu í ársbyrjun, en tilgangurinn var að sinna málum er varða hatursglæpi. Með verkefninu var einnig ætlunin að auka þjónustustig lögreglunnar og því var lögð sérstök áhersla á þennan málaflokk. Í kjölfarið tóku að berast tilkynningar um hatursglæpi og sýnt þótti að full ástæða var til að taka þessi mál föstum tókum. Í árslok höfðu nokkrir tugir mála verið tilkynntir til Lögreglunnar á höfuðborgarsvæðinu, en flestir sem til hennar leituðu höfðu orðið fyrir aðkasti vegna uppruna síns eða trúarskoðana.

Ekki er víst að allir geri sér grein fyrir hvað hatursglæpur er og skal reynt að útskýra það hér með fáum orðum. Hatursglæpur er hugtak yfir verknað sem varðar almenn hegningarlög og er framinn af ásetningi, sem byggist á fullu eða að hluta til á neikvæðum viðhorfum til brotaþola. Einkennandi fyrir hatursglæp er að gerandinn hefur lítil eða engin persónuleg tengsl við brotaþolann, en neikvæðu viðhorfin hans snúa að þjóðerni, litarhætti, kynþætti, trúarbrögðum, kynhneigð eða kynvitund viðkomandi. Sömuleiðis getur það talist til hatursglæps ef brotaþoli hefur viðkvæma stöðu eða jaðarstöðu í samfélaginu og fyrrgreindur ásetningur er fyrir hendi. Loks má nefna að hatursglæpur getur jafnframt beinst að hlut eða eign, t.d. skemmdarverk sem er unnið á byggingu með því að krotta hatursorð eða tákni á eignina. Ekki þarf að hafa mörg orð um víðtækar afleiðingar sem hatursglæpir geta haft í för með sér og því mikilvægt að á þeim sé tekið.

REKSTUR

Rekstur Lögreglunnar á höfuðborgarsvæðinu hefur verið erfiður til margra ára og endurteknar fréttir um niðurskurð hjá embættinu löngu hættar að koma á óvart. Áframhaldandi hallarekstur var viðbúinn árið 2016, en áætlun gerði þó ráð fyrir að rekstur innan ársins yrði í jafnvægi. Fyrirséður var rúmlega 30 m.kr niðurskurður og þótti mikið, ekki síst í ljósi þess að embættið hefur dregið saman seglin undanfarin ár og sýnt ráðdeild í hvívetna. Þar má nefna útgjöld vegna húsnæðismála, en starfsemi Lögreglunnar á höfuðborgarsvæðinu er á færri stöðum en áður var, m.a. vegna fækkunar lögreglustöðva í umdæminu. Enda hefur bætt nýting fjármuna, sem er einn af fimm skilgreindum lykilþáttum embættisins, alltaf verið ofarlega í huga Lögreglunnar á höfuðborgarsvæðinu.

Fyrirhugaður niðurskurður var eins og alltaf áhyggjuefni, en við blasti að það yrði ekki gert nema að fækka starfsmönnum embættisins um 20-25. Horft var til þess að framlengja ekki ráðningarsamninga viðkomandi, en samhliða átti Lögreglan á höfuðborgarsvæðinu að vinna á rekstrarhalla undanfarinna ára, sem nálgast 4% af fjárheimildum. Segja má að blikur hafi verið á lofti, en embættið sá enga góða kosti í stöðunni. Skerðing á þjónustu lögreglunnar við borgarana virtist óhjákvæmileg. Útlitið var því dökkt, en sem betur fer kom þó ekki til uppsagna eða skertrar þjónustu hjá Lögreglunni á höfuðborgarsvæðinu, þökk sé viðbótarfjárveitingu frá innanríkisráðuneytinu á fyrri hluta ársins. Um var að ræða 140 m.kr. og bætti það hag embættisins til muna.

Enn betri fréttir bárust svo Lögreglunni á höfuðborgarsvæðinu undir lok ársins, en þá kom fram að felldur yrði niður stór hluti rekstrarhalla fyrri ára með lokafjárlögum 2015. Rekstur embættisins árið 2016 varð síðan um 17 m.kr. innan fjárheimilda ársins. Það

var í samræmi við útkomuspá, sem var gerð á haustmánuðum í tengslum við rekstrar-áætlun næsta árs. Áætlanir fyrir árið 2016 gerðu reyndar ráð fyrir 53-55 m.kr. rekstrarafgangi, en ófyrirséð verkefni settu strik í reikninginn. Má þar sérstaklega nefna mótmæli gegn stjórnvöldum á vormánuðum, en lögreglan hafði þá uppi allnokkurn viðbúnað eins og venjan er orðin við slíkar aðstæður.

Tafla 1 - Rekstur ársins 2016 - fjárhæðir í þ.kr.

	Áætlun	Endursk. áætl.	Uppgjör
Rekstur	4.136.914	4.278.793	4.315.111
Fjárheimildir	4.191.900	4.331.900	4.331.900
Mism.	54.986	53.107	16.789
Eigið fé 31.12.15	(164.694)	(22.114)	(22.114)
Rekstrarniðurstaða (eigið fé 31.12.16)	(109.709)	30.993	(5.325)
Frávik m.v. fjárheimildir	-2,7%	0,7%	-0,1%




Tafla 2 - Rekstrarreikningur í þ.kr. Uppgjör 2016

	2016	2015
Tekjur		
Sértekjur	117.860	95.387
	<u>117.860</u>	<u>95.387</u>
Gjöld		
Launakostnaður	3.582.797	3.339.795
Ferðir o.fl.	61.582	60.083
Rekstur	100.860	102.700
Þjónusta	201.118	158.901
Húsnæði	229.186	229.218
Bifreiðar	193.970	186.238
Skattar, fjármagnskostn.	1.445	1.534
Tilfærslur	1.885	1.743
	<u>4.372.843</u>	<u>4.080.212</u>
Eignakaup	60.128	26.251
	<u>4.432.971</u>	<u>4.106.464</u>
Tekjuhalli fyrir ríkisframlag	(4.315.111)	(4.011.077)
Ríkisframlag	4.331.900	3.981.600
Tekjuafgangur (-halli) tímabils	<u><u>16.789</u></u>	<u><u>(29.477)</u></u>

Skipting rekstrarkostnaðar

	2016	%
Laun	3.582.797	81%
Annar rekstrarkostnaður	850.173	19%
	4.432.971	100,00%



Mynd 1. Hlutfallsleg skipting rekstrarkostnaðar 2016



Viðaukar

Tafla 3 - Útsend sektarboð og sektargerðir árið 2016

	Sektarboð	Sektargerð	Greiðsluseðill	Tilkynning
Útsend	1.922	1.611	3.862	12.936
Greidd	1.713	657	3.428	12.408

Tafla 4 - Fjöldi lögreglumenntaðra starfsmanna og annarra starfsmanna í lok janúar 2017 eftir skipulagseiningum

Skipulagseining	Borgarlegir starfsmenn	Lögreglumenn	Alls
Yfirstjórn	6	3	9
Innri endurskoðun	0	2	2
Skrifstofa lögreglustjóra	2	1	3
Aðgerðadeild	0	27	27
Almenn deild	10	166	176
Rannsóknardeild	0	40	40
Stoðdeild	4	16	20
Ákærudeild	17	1	18
Samtals	39	256	295
Fjármála og upplýsingatækni	7	1	8
Stoðþjónusta og greining	32	8	40
Starfsmannamál	4	0	4
Samtals	43	9	52
Fæðingarorlof	0	7	7
Veikindi	0	18	18
Alls starfsmenn	82	290	372

Tafla 5 - Fjöldi starfsmanna í lok janúar 2017 eftir kyni og skipulagseiningum

Skipulagseining	Karl	Kona	Samtals
Yfirstjórn	5	4	9
Innri endurskoðun	2	0	2
Skrifstofa lögreglustjóra	0	3	3
Aðgerðadeild	26	1	27
Almenn deild	135	41	176
Rannsóknardeild	34	6	40
Stoðdeild	17	3	20
Ákærudeild	8	10	18
Samtals	227	68	295
Fjármála og upplýsingatækni	5	3	8
Stoðþjónusta og greining	12	28	40
Starfsmannamál	0	4	4
Samtals	17	35	52
Fæðingarorlof	3	4	7
Veikindi	16	2	18
Alls starfsmenn	263	109	372

Tafla 6 - Fjöldi lögreglumanna í lok janúar 2017 eftir kyni og skipulagseiningum

Skipulagseining	Karl	Kona	Samtals
Yfirstjórn	3	0	3
Innri endurskoðun	2	0	2
Skrifstofa lögreglustjóra	0	1	1
Aðgerðadeild	26	1	27
Almenn deild	127	39	166
Rannsóknardeild	34	6	40
Stoðdeild	14	2	16
Ákærudeild	1	0	1
Fjármála og upplýsingatækni	1	0	1
Stoðþjónusta og greining	7	1	8
Starfsmannamál	0	0	0
Samtals	215	50	265
Fæðingarorlof	3	4	7
Veikindi	16	2	18
Alls starfsmenn	234	56	290



Tafla 7 - Fjöldi borgaralegra starfsmanna í lok janúar 2017 eftir kyni og skipulagseiningum

Skipulagseining	Karl	Kona	Samtals
Yfirstjórn	2	4	6
Innri endurskoðun	0	0	0
Skrifstofa lögreglustjóra	0	2	2
Aðgerðadeild	0	0	0
Almenn deild	8	2	10
Rannsóknardeild	0	0	0
Stoðdeild	3	1	4
Ákærudeild	7	10	17
Samtals	20	19	39
Fjármála og upplýsingatækni	4	3	7
Stoðþjónusta og greining	5	27	32
Starfsmannamál	0	4	4
Samtals	29	53	82
Fæðingarorlof	0	0	0
Veikindi	0	0	0
Alls starfsmenn	29	53	82

Tafla 8 - Lykiltölur starfsmannamála

Heildarfjöldi starfsmanna við lok janúar 2017	372
Fjöldi ársverka 2016	346,32
Hlutfall kvenna af lögreglumönnum	19,00%
Hlutfall kvenna af borgaralegum starfsmönnum	65,00%
Hlutfall tapaðara vinnustunda vegna veikinda	9,58%
Starfsmannavelta * lögregla	6,00%
Starfsmannavelta * borgarar	1,00%
Fjöldi lögreglumanna í launalauslu leyfi í árslok	20**

* taldir með þeir sem hætta vegna aldurs

** þar af 2 borgarar



Lögrelustjórinn á höfuðborgarsvæðinu - Hverfisgötu 113-115
150 Reykjavík - Sími: 444 1000 - Fax: 444 1015 - www.lrh.is
www.facebook.com/logreglan

Lögrelustöðvar á höfuðborgarsvæðinu

Hverfisgötu 113-115
105 Reykjavík

Vínlandsleið 2-4
113 Reykjavík

Dalvegi 18
201 Kópavogi

Flatahrauni 11
220 Hafnarfirði

Neyðar- og aðstoðarsími lögreglu er 112